



## **NORMATIVA DE XESTIÓN ACADÉMICA DA UNIVERSIDADE DA CORUÑA PARA O CURSO ACADÉMICO 2019/2020**

Aprobada por Resolución reitoral do 6 de xuño de 2019

Corrección de erros do 5 de xullo de 2019

*(Texto consolidado)*

## Índice

Artigo 1. Ámbito de aplicación .....	4
<b>Título I. Matrícula nas titulacións de grao adaptadas ao espazo europeo de educación superior (EEES)</b> .....	4
Artigo 2. Definición de matrícula ordinaria e extraordinaria nas titulacións de grao .....	4
Artigo 3. Matrícula ordinaria de inicio e de continuación dos estudos de grao .....	4
Artigo 4. Impedimentos para formalizar a matrícula de continuación de estudos de grao. Permanencia .....	8
Artigo 5. Matrícula de dúas titulacións oficiais ou simultaneidade de estudos .....	9
Artigo 6. Matrícula nos estudos de grao do alumnado da UDC de titulacións correspondentes á anterior ordenación académica .....	10
Artigo 7. Solicitudes de matrícula efectuadas fóra de prazo .....	10
Artigo 8. Desistencia e modificación da matrícula .....	10
Artigo 9. Recoñecementos e transferencias de créditos .....	11
Artigo 10. Prezos públicos por servizos académicos .....	12
<b>Título II. Réxime de cambio de universidade e/ou estudos universitarios oficiais españois</b> .....	16
Artigo 11. Ámbito de aplicación .....	16
Artigo 12. Cota de admisión .....	17
<b>Título III. Admisión e matrícula nos estudos de grao do alumnado titulado na ordenación universitaria anterior</b> .....	18
Artigo 13. Ámbito de aplicación .....	18
Artigo 14. Orde de prelación para resolver as solicitudes de admisión .....	18
<b>Título IV. Réxime de avaliacións</b> .....	18
Artigo 15. Convocatorias e Oportunidades para materias das titulacións de grao e máster universitario .....	18
Artigo 16. Convocatoria e oportunidades para os Traballos de Fin de Grao e Traballos de Fin de Máster .....	18
<b>Título V. Inscripción e matrícula nas ensinanzas oficiais de máster</b> .....	19
Artigo 17. Ámbito de aplicación .....	19
Artigo 18. Acceso e admisión .....	19
Artigo 19. Preinscripción e matrícula .....	20
Artigo 20. Matrícula en cursos extinguidos de titulacións de máster .....	23
Artigo 21. Impedimentos para formalizar a matrícula de continuación de estudos de máster universitario. Permanencia .....	23
Artigo 22. Coordinación dos másteres e comisión de selección .....	23
Artigo 23. Reclamacións e recursos .....	24
Artigo 24. Desistencia e modificación da matrícula .....	24
Artigo 25. Recoñecementos e transferencias de créditos .....	26
Artigo 26. Simultaneidade .....	27
Artigo 27. Prezos de matrícula .....	27
<b>Título VI. Procedemento de matrícula e documentación para entregar</b> .....	27
Artigo 28. Matrícula pola internet. Normas xerais .....	27
Artigo 29. Efectos da matrícula .....	28
Artigo 30. Anulación de oficio .....	28

Artigo 31. Seguros .....	28
Artigo 32. Execución desta normativa .....	28
Artigo 33. Resolución das reclamacións e dos recursos .....	28
Artigo 34. Desenvolvemento da normativa .....	29
<b>Anexo I: prazos e calendarios .....</b>	<b>30</b>
<b>Anexo II: documentos .....</b>	<b>43</b>
Anexo III .....	46
MODELO DE DESESTIMACIÓN DE CAMBIO DE UNIVERSIDADE / ESTUDOS .....	46
Anexo IV .....	47
MODELO DE ESTIMACIÓN DE CAMBIO DE UNIVERSIDADE / ESTUDOS .....	47
Anexo V .....	48
MODELO DE DESESTIMACIÓN DE SIMULTANEIDADE DE ESTUDOS .....	48
Anexo VI .....	49
MODELO DE ESTIMACIÓN DE SIMULTANEIDADE DE ESTUDOS .....	49
Anexo VII .....	50
MODELO DE ESTIMACIÓN DE RECOÑECEMENTO/TRANSFERENCIA DE CRÉDITOS .....	50
Anexo VIII .....	53
MODELO DE DESESTIMACIÓN DE RECOÑECEMENTO/TRANSFERENCIA DE CRÉDITOS .....	53
Anexo IX .....	55
MODELO DE DESESTIMACIÓN DE MATRÍCULA FÓRA DE PRAZO .....	55
Anexo X .....	56
MODELO DE ESTIMACIÓN DE MATRÍCULA FÓRA DE PRAZO .....	56
Anexo XI .....	57
MODELO DE DESESTIMACIÓN DE MATRÍCULA A TEMPO PARCIAL .....	57
Anexo XII .....	58
MODELO DE ESTIMACIÓN DE MATRÍCULA A TEMPO PARCIAL .....	58
Anexo XIII .....	59
MODELO DE ESTIMACIÓN DE DESISTENCIA DA SOLICITUDE DE MATRÍCULA .....	59
Anexo XIV .....	60
MODELO DE REQUIRIMENTO DO PAGAMENTO DA MATRÍCULA PARA SOLICITANTES DE BOLSA (art. 10.4.2) .....	60
Anexo XV .....	61
MODELO DE RESOLUCIÓN DE AUTORIZACIÓN PARA CONTINUAR ESTUDOS DE GRAO DE ACORDO CO DISPOSTO NOS ARTIGOS 3.4.1. b) E 4.1 DA NORMATIVA DE XESTIÓN ACADÉMICA .....	61
Anexo XVI .....	62
MODELO DE DECLARACIÓN RESPONSABLE .....	62

Unha vez informado o Consello de Goberno o día 4 de xuño de 2019, en aplicación do que está disposto nos artigos 34.1 e 36.1 dos Estatutos da Universidade da Coruña, aprobados polo Decreto da Xunta de Galicia 101/2004, de 13 de maio, e modificados polo Decreto 194/2007, de 11 de outubro,

## RESOLVO:

Aprobar e publicar a convocatoria de matrícula para o curso académico 2019/2020 nas diferentes facultades, escolas e unidades de xestión académica integrada (UXAI), que estará suxeita á seguinte:

## Normativa de xestión académica da Universidade da Coruña para o curso académico 2019/2020

### Artigo 1. Ámbito de aplicación

Esta Normativa de xestión académica aplicarase aos plans de estudos que conducen á obtención de títulos oficiais da Universidade da Coruña (UDC). Tamén será de aplicación supletoria a calquera outro procedemento de xestión académica, ao correspondente ás bolsas e, en xeral, a todo o procedemento académico en que a persoa interesada teña a condición de alumna da UDC.

### TÍTULO I. MATRÍCULA NAS TITULACIÓNS DE GRAO ADAPTADAS AO ESPAZO EUROPEO DE EDUCACIÓN SUPERIOR (EEES)

#### Artigo 2. Definición de matrícula ordinaria e extraordinaria nas titulacións de grao

**2.1. A matrícula ordinaria** é a que realizan aquelas persoas que se inscriben na universidade para seguir regularmente os estudos que conducen á obtención dun título universitario oficial de grao.

De acordo co establecido na Norma que regula o réxime de dedicación ao estudo e a permanencia e a progresión dos estudantes de Grao e Máster Universitario na Universidade da Coruña, aprobada polo Consello Social do 04/05/2017, establécense as seguintes modalidades de matrícula ordinaria nas titulacións de grao: **matrícula a tempo completo** e **matrícula a tempo parcial**. As súas condicións régulanse nos apartados 3.3 e 3.4 do artigo 3 desta normativa.

**2.2. A matrícula extraordinaria** é a que realizan aquelas persoas que, reunindo os requisitos de acceso á universidade e con independencia da titulación que posúan, se inscriben en materias diversas das diferentes titulacións de grao da universidade sen esperaren a obtención dun título. **Estas persoas non constarán en actas de cualificacións oficiais** e recibirán, ao rematar os seus estudos, un certificado do profesorado encargado da materia expresivo da súa asistencia e aproveitamento, con indicación da cualificación final que obteñan. Aboarán as taxas correspondentes á apertura do expediente de matrícula extraordinaria e os prezos públicos dos créditos matriculados.

En calquera caso, a admisión destas persoas en cada unha das materias que queiran cursar quedará condicionada á existencia de prazas dispoñibles nelas, unha vez que se computen as matrículas ordinarias en cada titulación en que se imparta a materia que soliciten, así como á decisión que adopte o centro sobre a formación previa necesaria da persoa solicitante.

Para estes efectos, esta matrícula farase de forma presencial na administración do centro que corresponda.

#### Artigo 3. Matrícula ordinaria de inicio e de continuación dos estudos de grao

**3.1.** O calendario de preinscrición e de matrícula é o que figura no **Anexo I**.

### 3.2. Inicio dos estudos de grao

Poderá formalizar a súa matrícula, nos prazos que se establezan, o alumnado que inicie os estudos de grao que conducen á obtención de títulos oficiais en calquera das titulacións da UDC e que se atope habilitado, ou posúa algún dos títulos que dan acceso a estes estudos dos que están previstos no Real decreto 412/2014, do 6 de xuño, polo que se establece a normativa básica dos procedementos de admisión ás ensinanzas universitarias oficiais de grao.

O alumnado que desexe comezar os estudos de primeiro curso en titulacións de grao, alén de ter a habilitación a que se refire o parágrafo anterior, deberá estar admitido para formalizar a matrícula nas sucesivas resolucións da Comisión Interuniversitaria de Galicia (CIUG).

O alumnado procedente doutros estudos oficiais cursados en España non poderá ingresar directamente en titulacións universitarias de grao, aínda que ao facelo poderá solicitar o recoñecemento dos seus estudos.

### 3.3. Matrícula no primeiro curso das titulacións de grao

O estudiantado que inicie os seus estudos nas titulacións de grao poderá matricularse de acordo coas seguintes opcións, de conformidade coa Norma que regula o réxime de dedicación ao estudo e a permanencia e a progresión dos estudantes de Grao e Máster Universitario na UDC, aprobada polo Consello Social o 04/05/2017:

#### a) Opción preferente: matrícula a tempo completo

Os estudantes admitidos por primeira vez no primeiro curso de estudos de grao, que elixan a condición de estudantes con dedicación a tempo completo, deberán matricularse da totalidade dos créditos do primeiro curso, e só destes.

#### b) Opción que deberá xustificar o estudante: matrícula a tempo parcial

De acordo co disposto na norma mencionada, son estudantes de primeiro curso por primeira vez con dedicación ao estudo a tempo parcial, aqueles que sexan autorizados a efectuar a súa matrícula neste réxime, tras acreditar coa súa solicitude que se atopan nalgún dos supostos do artigo 8 e segundo os procedementos sinalados nos artigos 7 e 9 da citada norma. A matrícula a tempo parcial nunca poderá ser inferior a 24 créditos nin superior a 48.

A comisión académica de cada Facultade ou Escola será o órgano encargado de resolver as solicitudes con base nas circunstancias acreditadas polas persoas solicitantes, sen que en ningún caso o número de solicitudes autorizadas poida superar o 15% do número de prazas que se ofertan para o primeiro curso en cada ano académico. No suposto de que non se cubrixe na súa totalidade a oferta de prazas realizada, non será necesario aplicar esa limitación para o réxime de matrícula a tempo parcial; porén, deberá respectarse en todo caso o número de prazas que se oferten en primeiro.

Por conseguinte, establecerase un sistema de selección que, en calquera caso, terá en conta a nota de acceso do alumnado á universidade. O procedemento seguirá o disposto no capítulo II da Norma que regula o réxime de dedicación ao estudo e a permanencia e a progresión dos estudantes de Grao e Máster Universitario na UDC, e as solicitudes serán resoltas, por desconcentración das competencias do reitor, polos presidentes das comisións académicas dos centros (os modelos figuran nos **Anexos XI e XII**). Contra a súa resolución poderá presentarse recurso de alzada perante o reitor.

Esta matrícula producirá os efectos descritos no art. 6 da norma antedita.

As persoas solicitantes desta opción deberán aprazar o pagamento da súa matrícula, agás o seguro escolar e os prezos de secretaría, ao presentar a súa solicitude, até que se resolva.

Se o estudante non resulta seleccionado para se matricular a tempo parcial, poderá optar pola matrícula a tempo completo ou, de ser o caso, renunciar á praza que lle fose adxudicada pola CIUG. No seu lugar accederá a seguinte persoa na listaxe desta comisión. En todo caso, non se devolverán as contías do seguro escolar e prezos de secretaría.

No caso de non cumprir o establecido nos apartados a) e b) anteriores, entenderase que a persoa interesada desiste da súa solicitude de matrícula. Procederase de oficio a aceptar de plano a desistencia da solicitude da matrícula, e o procedemento declararase concluído, mediante resolución do decano ou director do centro, por desconcentración das competencias do reitor, dirixida á persoa interesada. Isto suporá a devolución dos prezos públicos que correspondan, se procede, de acordo co establecido no artigo 94 da Lei 39/2015, do 1 de outubro, do procedemento administrativo común das administracións públicas (o modelo figura no **Anexo XIII**).

### c) Matrícula en programas de simultaneidade de estudos aprobados polo Consello de Goberno

O alumnado que se matricule por primeira vez no primeiro curso dos programas de simultaneidade dos graos que figuran a continuación poderá optar por matricularse no réxime de dedicación a tempo completo, é dicir, da totalidade dos créditos do primeiro curso, ou ben a tempo parcial, segundo o que establece a Norma que regula o réxime de dedicación ao estudo e a permanencia e a progresión dos estudantes de Grao e Máster Universitario na UDC:

- Grao en Administración e Dirección de Empresas (ADE) e grao en Dereito (Consello de Goberno do 30/06/2009)
- Grao en Ciencias Empresariais e grao en Turismo (Consello de Goberno do 29/09/2011)
- Grao en Bioloxía e grao en Química (Consello de Goberno do 27/03/2014)
- Grao en Enxeñaría Mecánica e grao en Enxeñaría Naval e Oceánica (Consello de Goberno do 23/03/2015)
- Grao en Inglés: Estudos Lingüísticos e Literarios e grao en Galego e Portugués: Estudos Lingüísticos e Literarios (Consello de Goberno do 23/03/2015)
- Grao en Español: Estudos Lingüísticos e Literarios e grao en Galego e Portugués: Estudos Lingüísticos e Literarios (Consello de Goberno do 23/03/2015)
- Grao en Inglés: Estudos Lingüísticos e Literarios e grao en Español: Estudos Lingüísticos e Literarios (Consello de Goberno do 23/03/2015)

### 3.4. Matrícula de continuación de estudos nas titulacións de grao

#### 3.4.1. Poderán formalizar a súa matrícula de continuación dos estudos de grao:

a) Aqueles alumnos que pretendan continuar os seus estudos na mesma titulación en que estiveron matriculados no curso 2018/2019 ou noutros cursos anteriores, sen prexuízo do establecido no artigo 4.1 desta normativa.

b) Os alumnos de grao que abandonasen temporalmente os seus estudos e que superasen cando menos 12 créditos se a matrícula se efectuou a tempo completo, ou 6 créditos se foi a tempo parcial, poderán continuarlos no mesmo centro en que comezaron sen necesidade de participar en ningún proceso de admisión, de acordo co disposto no artigo 5.5 do Real Decreto 412/2014, do 6 de xuño e no artigo 3 da Norma que regula o réxime de dedicación ao estudo e a permanencia e a progresión dos estudantes de Grao e Máster Universitario na UDC.

3.4.2. De acordo co disposto no artigo 2 da norma citada no parágrafo anterior, o alumnado de continuación de estudos de grao con **dedicación a tempo completo** deberá matricularse dun número non inferior a 48 créditos, que nunca poderá superar os 78, agás aquel ao que lle reste un número inferior de créditos para rematar os seus estudos. A matrícula poderá alcanzar os 90 créditos cando estea condicionada polas obrigas académicas establecidas no plan de estudos: ordenación temporal dos estudos, prelacións ou prerequisites e pola compatibilidade horaria das materias en que se vai matricular o alumnado.

O alumnado de continuación de estudos de grao deberase matricular, até o máximo indicado no parágrafo anterior, de todos aqueles créditos de formación básica e obrigatoria que non superase



correspondentes aos cursos anteriores da titulación, excepto no caso de que a memoria verificada do seu plan de estudos conteña outras previsións ao respecto.

Exceptúanse da obrigatoriedade de matrícula daqueles créditos de formación básica e obrigatorios non superados os alumnos que estean a participar nalgún dos programas de mobilidade previstos na UDC.

De acordo co establecido nas normativas específicas para os programas de simultaneidade, os estudantes de continuación de estudos deberán efectuar a súa matrícula no réxime de dedicación a tempo completo, ou no réxime de dedicación a tempo parcial, respectando o número de créditos establecido con carácter xeral para todo o alumnado da UDC na normativa antes citada: nunca inferior a 48 nin superior a 78 créditos, e nunca inferior a 24 créditos nin superior a 48, respectivamente.

**3.4.3.** De acordo co sinalado no artigo 2 da Norma que regula o réxime de dedicación ao estudo e a permanencia e a progresión dos estudantes de Grao e Máster Universitario na UDC, son estudantes de continuación de estudos con **dedicación a tempo parcial**, aqueles que realicen unha matrícula que nunca pode ser inferior a 24 créditos, agás que lle reste un número inferior para rematar os seus estudos, nin superior a 48. A comisión académica de cada centro será o órgano encargado de resolver as solicitudes con base nas circunstancias acreditadas polas persoas solicitantes, tras acreditar que se atopan nalgún dos supostos que se enumeran no artigo 8 desa norma e segundo o procedemento establecido no seu artigo 9.

O procedemento seguirá o sinalado no capítulo II da norma citada no primeiro parágrafo deste apartado. As solicitudes de matrícula de continuación de estudos a tempo parcial serán resoltas, por desconcentración das competencias do reitor, polos presidentes das comisións académicas dos centros (os modelos correspondentes figuran nos **Anexos XI e XII**). Contra a súa resolución poderá presentarse recurso de alzada perante o reitor.

Os solicitantes desta opción deberán aprazar o pagamento da súa matrícula, agás o seguro escolar e os prezos de secretaría (que en ningún caso serán obxecto de devolución), ao presentar a solicitude mencionada, até que se resolva.

Se o estudante non resulta seleccionado para a opción de matrícula a tempo parcial, deberá optar pola matrícula a tempo completo.

Naqueles casos en que os créditos de formación básica e obrigatorios, pendentes de cursos anteriores, superen o número de créditos en que queira matricularse o alumno a tempo parcial, non será necesario que se matricule de todos eles; porén, a matrícula nestes créditos será prioritaria.

No caso de non cumprir o establecido nos apartados 3.4.2 e 3.4.3, entenderase que a persoa interesada desiste da súa solicitude de matrícula. Procederase de oficio a aceptar de plano a desistencia da solicitude da matrícula, e o procedemento declararase concluído, mediante resolución do decano ou director do centro, por desconcentración das competencias do reitor, dirixida á persoa interesada. Isto suporá a devolución dos prezos públicos que correspondan, se procede, de acordo co establecido no artigo 94 da Lei 39/2015, do 1 de outubro, do procedemento administrativo común das Administracións Públicas (o modelo figura no **Anexo XIII**).

**3.4.4.** A **matrícula do traballo de fin de grao (TFG)** realizarase de acordo co establecido no artigo 1 da Normativa reguladora da matrícula e a defensa do Traballo Fin de Grao (TFG) e do Traballo Fin de Máster (TFM), aprobada polo Consello de Goberno o 19 de decembro de 2013.

Para formalizar a matrícula do TFG, o alumnado poderá ter pendentes para completar os estudos, como máximo, 78 créditos, incluídos os correspondentes ao TFG (sen prexuízo do disposto no artigo 9.3), e deberá matricularse tamén de todas as materias necesarias para concluír o plan de estudos do grao.

De acordo co disposto na citada normativa, aqueles alumnos que estean en posesión dun título universitario oficial de diplomado, arquitecto técnico ou enxeñeiro técnico, correspondente á ordenación académica anterior, e que accedan ao grao que proveña da súa titulación, poderán realizar a matrícula

do TFG sempre que se matriculen de todos os créditos que lles restan para finalizar os seus estudos, ate o máximo sinalado no parágrafo anterior.

Poderán efectuar a mesma matrícula aqueles alumnos que iniciaron os seus estudos universitarios oficiais conforme á anterior ordenación académica e que se incorporan ao grao, así como os alumnos procedentes doutra universidade e/ou titulación.

En cada titulación, e baixo a supervisión académica que corresponda a cada centro, estableceranse a forma de realización, a titorización e os procedementos de avaliación deste traballo, que deberá orientarse á avaliación das competencias asociadas ao título e con que concluirán as ensinanzas de grao.

**3.5. Matrícula en cursos extinguidos de titulacións de grao:** unha vez extinguido cada curso dunha titulación por calquera das causas mencionadas nos puntos 1.º e 3.º da Instrución 1/2012-2013, da Vicerreitoría de Títulos, Calidade e Novas Tecnoloxías, mediante a que se establecen as garantías dos dereitos académicos dos alumnos de títulos oficiais de grao e máster, os alumnos de continuación de estudos de grao que se atopen en procesos de modificación, supresión ou extinción dos seus títulos ou dos seus plans de estudos, disporán dunha convocatoria con dúas oportunidades de exame en cada un dos dous cursos académicos seguintes, incluído aquel no que se produce a extinción, para superar as materias ou as disciplinas pertencentes ao curso académico extinguido.

### 3.6. Matrícula de alumnado que solicite bolsas

As persoas que soliciten bolsas deberán matricularse ben do curso completo, ben do número mínimo de materias ou créditos que para cada titulación sinale a resolución pertinente do Ministerio de Educación, respectando sempre o número mínimo de créditos esixido nesta normativa. As materias ou os créditos recoñecidos non se terán en conta para os efectos do cumprimento dos requisitos académicos que permiten obter bolsas. En ningún caso entrarán a formar parte dos créditos mínimos aqueles correspondentes a distintas especialidades ou que superen os precisos para obter o título de que se trate.

No caso de estaren afectados por unha discapacidade recoñecida igual ou superior ao 65% poderán acollerse á matrícula a tempo completo na súa modalidade de matrícula reducida, nos termos que se establezan na orde mencionada.

## Artigo 4. Impedimentos para formalizar a matrícula de continuación de estudos de grao. Permanencia

**4.1.** Ao abeiro do artigo 3 da Norma que regula o réxime de dedicación ao estudo e a permanencia e a progresión dos estudantes de Grao e Máster Universitario na UDC, os estudantes de primeiro curso, por primeira vez, que se matriculen no réxime de dedicación a tempo completo, deberán superar nese curso académico polo menos 12 créditos, e 6 créditos no réxime de dedicación a tempo parcial, para ter a consideración de estudantes de continuación de estudos na mesma titulación no curso académico seguinte.

De non cumprirse estes requisitos, o decano/director do centro, logo do pedimento do alumno, poderá admitir de novo a matrícula no seguinte curso académico en que se matricule, pero neste caso o alumno deberá superar un mínimo de 36 créditos obrigatorios do primeiro curso, para a matrícula a tempo completo, e de 18 créditos obrigatorios para matrícula a tempo parcial (o modelo de resolución figura no **Anexo XV**).

O alumnado de continuación de estudos matriculado a tempo completo deberá superar un mínimo de 60 créditos cada tres anos académicos.

O alumnado de continuación de estudos matriculado a tempo parcial deberá superar un mínimo de 30 créditos cada tres anos académicos.



Aquel estudante que non cumpra os requisitos anteriores non poderá proseguir os mesmos estudos na UDC. Non obstante, poderá cambiar de universidade e/ou titulación, conforme se dispón no artigo 11 da norma citada no inicio deste apartado.

**4.2.** Se no plan de estudos figuran prerrequisitos, enténdese que o/a estudante non pode matricularse dunha materia até non aprobar os seus prerrequisitos. De recollese correquisitos no plan de estudos, enténdese que o/a estudante non pode matricularse dunha materia se non está simultaneamente matriculado nos seus correquisitos ou se non os aprobou.

**4.3.** Os alumnos de continuación de estudos de grao non poderán matricularse de novos créditos se non se matriculan daqueles créditos de formación básica e obrigatorios correspondentes a cursos académicos anteriores que non superasen, de acordo co establecido no punto 3.4.2 desta normativa.

**4.4.** En calquera caso, o exercicio do dereito de matrícula que establecen estas normas non obrigará á modificación do réxime de horarios xerais que se determine en cada centro, de acordo coas necesidades dos seus programas de estudo.

## Artigo 5. Matrícula de dúas titulacións oficiais ou simultaneidade de estudos

**5.1.** Os alumnos que desexen simultanear estudos do mesmo nivel en dúas titulacións das que se imparten na UDC, deberán ter integramente superado o primeiro curso, ou ben ter superados os créditos de que estiveron obrigados a formalizar a matrícula no primeiro curso. Así mesmo, terán que presentar unha solicitude de simultaneidade de estudos dirixida ao reitor no centro en que pretendan comezar os novos estudos.

**5.2.** Non se poderán simultanear dúas titulacións sometidas a límite de prazas, agás se unha vez rematado o proceso de admisión resultan prazas vacantes na segunda titulación de preferencia. Neste suposto, os casos de concorrencia competitiva resolveranse mediante a nota de acceso á universidade.

**5.3.** A resolución das solicitudes de simultaneidade de estudos delégase, ao abeiro do disposto no artigo 2.1, da Orde do Ministerio de Educación e Cultura de 28 de setembro de 1984, nos decanos ou directores dos centros (os modelos recóllense nos **Anexos V e VI**).

**5.4.** No caso de darse solicitudes de simultaneidade entre distintas universidades, estarase ao disposto na Orde citada no apartado anterior.

As solicitudes de simultaneidade de estudos resolveranse cando rematen os prazos de admisión. Só se outorgará praza no caso de quedaren vacantes.

**5.5.** O alumnado, tanto de centros públicos como de adscritos, coa condición xurídica de solicitante de simultaneidade de estudos, **aprazará** o pagamento do prezo da matrícula da titulación en que solicita a simultaneidade até que se dítar a resolución positiva. Para isto cómpre que presente o xustificante que acredite a solicitude da simultaneidade de estudos.

**5.6.** Para os efectos do que dispón esta normativa, deberá entenderse que non se trata dun suposto de simultaneidade de estudos e, en consecuencia, que é unha soa matrícula ordinaria, cando o alumno formaliza a súa matrícula simultaneamente en dúas ou máis orientacións, itinerarios, mencións ou calquera outra denominación que figure nos plans de estudos, sempre que tras superalos se obteña exclusivamente un título universitario oficial.

**5.7.** Os programas de simultaneidade de estudos aprobados polo Consello de Goberno que aparecen a seguir rexeranse pola súa propia normativa:

- Grao en ADE e grao en Dereito
- Grao en Ciencias Empresariais e grao en Turismo
- Grao en Arquitectura Técnica e grao en Ciencias Empresariais
- Grao en Bioloxía e grao en Química
- Grao en Enxeñaría Mecánica e grao en Enxeñaría Naval e Oceánica

- Grao en Inglés: Estudos Lingüísticos e Literarios e grao en Galego e Portugués: Estudos Lingüísticos e Literarios
- Grao en Español: Estudos Lingüísticos e Literarios e grao en Galego e Portugués: Estudos Lingüísticos e Literarios
- Grao en Inglés: Estudos Lingüísticos e Literarios e grao en Español: Estudos Lingüísticos e Literarios

### **Artigo 6. Matrícula nos estudos de grao do alumnado da UDC de titulacións correspondentes á anterior ordenación académica**

O alumnado da UDC de titulacións correspondentes á anterior ordenación académica que non rematase os seus estudos e que desexe proseguilos nos estudos de grao que proveñan da súa titulación, matricularase no prazo establecido no **Anexo I**, logo de consultar as táboas de equivalencia entre as dúas titulacións.

### **Artigo 7. Solicitudes de matrícula efectuadas fóra de prazo**

As solicitudes de matrícula realizadas fóra dos prazos establecidos, agás aquelas cuxa resolución sexa competencia da CIUG, serán resoltas, por desconcentración de competencias do reitor, polos decanos ou directores dos centros (os modelos correspondentes figuran nos **Anexos IX e X**). Contra a súa resolución poderá presentarse recurso de alzada perante o reitor.

### **Artigo 8. Desistencia e modificación da matrícula**

Os estudantes poderán solicitar a desistencia ou a modificación da matrícula de acordo co que se dispón a seguir.

**8.1.** A solicitude de desistencia total da matrícula só se estimará de se solicitar como data límite o día 22 de novembro de 2019, incluído, sen prexuízo do disposto na epígrafe 8.6 desta normativa.

A estimación da solicitude de desistencia total de matrícula realizada no período indicado levará consigo a anulación da matrícula e a devolución dos prezos públicos aboados correspondentes á tarifa primeira do decreto da Xunta de Galicia que establece os prezos públicos de nivel universitario.

Se o alumno que solicita a desistencia de matrícula ten a condición de solicitante de bolsa, deberá solicitar ao mesmo tempo a desistencia da súa solicitude de bolsa.

De se estimar a desistencia total da matrícula de primeiro curso por primeira vez en titulacións con límite de prazos, no período ordinario de matrícula ou de forma inmediatamente posterior, as administracións dos centros notificarán ao punto esta circunstancia ao Servizo de Estudantes (LERD).

**8.2.** Sempre que concorran causas sobrevidas, ou de carácter grave, e suficientemente acreditadas, a solicitude de desistencia parcial ou total de matrícula por instancia do estudante, efectuada fóra do prazo sinalado no punto anterior, se resulta estimada levará consigo a anulación parcial ou total da matrícula e a devolución dos prezos públicos das materias anuladas, de ser o caso.

No expediente do estudante ao que lle fose estimada a solicitude de desistencia parcial de matrícula constarán todas as cualificacións que obteña no 1.º cuadrimestre e, se é o caso, aquelas outras cualificacións que obteña en materias do 2.º cuadrimestre.

**8.3.** A modificación da matrícula enténdese como a ampliación de materias e/ou como a substitución dunha materia por outra, ou por materias cun número de créditos igual ou similar. Estas novas materias teñen que ser elixidas entre as que estivesen en condición de matrícula durante o período de matriculación. Os prazos máximos para solicitar unha modificación son os seguintes:

- a)** Ampliación e/ou substitución de materias do primeiro cuadrimestre, ou de materias anuais: ata o 20 de setembro de 2019.
- b)** Ampliación e/ou substitución de materias do segundo cuadrimestre ou anuais: ata o 19 de febreiro de 2020.

Respectando os prazos sinalados, o alumnado de primeiro de grao, matriculado por primeira vez, con matrícula a tempo parcial, poderá solicitar a ampliación/substitución de matrícula en créditos correspondentes a materias do primeiro curso da súa titulación.

Da mesma forma, o alumnado de **continuación de estudos de grao** poderá solicitar a ampliación/substitución no número de créditos que considere. Non obstante, o número final de créditos que resulte logo de solicitar a ampliación de matrícula, descontados aqueles de materias superadas no primeiro cuatrimestre, se é o caso, non poderá superar o número máximo de créditos establecidos no apartado 3.4.2 desta normativa.

**c)** O alumnado con bolsa do Ministerio de Educación e que sexa beneficiario tamén de bolsa de mobilidade, disporá dun prazo máximo, que se establece ata o 1 de marzo de 2020, para modificar a súa matrícula. Esta modificación tramitarase de acordo coa normativa aplicable a cada caso.

**8.4.** Aceptarase a ampliación de matrícula en materias, sempre que nestas non se realizase a primeira oportunidade de exame, e tamén a anulación parcial de materias, nos casos seguintes:

**a)** Ampliación de matrícula en materias e/ou anulación parcial de materias, co obxecto de que o/a estudante poida beneficiarse de bolsas convocadas polo Ministerio de Educación, a Xunta de Galicia, a UDC ou calquera outro organismo, público ou privado.

**b)** Ampliación de matrícula en materias por ditarse resolución positiva de recoñecemento de créditos nas titulacións de grao, sempre que se solicitase no período ordinario de matrícula.

Con independencia da presentación ou non do recurso que proceda contra a citada resolución de recoñecemento de créditos ECTS, o alumnado deberá matricularse no prazo indicado na resolución de ampliación de matrícula.

**8.5.** A competencia para resolver as situacións derivadas dos apartados 8.1, 8.3 e 8.4 corresponderalles aos decanos ou directores dos centros, por desconcentración das competencias do reitor, nos prazos que se establezan en cada caso. Contra a súa resolución caberá interpoñer un recurso de alzada perante o reitor.

A competencia para resolver a situación prevista no apartado 8.2 correspóndelle ao reitor ou vicerreitor en que delegue. Contra a súa resolución caberá interpoñer un recurso potestativo de reposición perante o reitor ou recurso contencioso-administrativo.

**8.6.** Malia o indicado nos apartados precedentes, o reitor poderá estimar en calquera momento as solicitudes de desistencia total ou parcial e de modificación da matrícula, ademais de resolver a súa anulación, naquelas situacións en que concorran circunstancias excepcionais debidamente motivadas polas persoas interesadas.

**8.7.** En calquera caso, para os efectos de coordinación cos procedementos de solicitude de bolsas, o alumno terá que deixar constancia por escrito, na administración do centro pertinente, conforme foi advertido de que con carácter previo deberá dirixirse á Sección de Bolsas, polas consecuencias que se poidan producir por causa da modificación que solicita.

As unidades administrativas enviarán sempre unha copia das resolucións que se ditasen á sección mencionada.

## **Artigo 9. Recoñecementos e transferencias de créditos**

### **9.1. Recoñecemento de créditos**

O procedemento de **recoñecemento** de créditos para titulacións adaptadas ao EEES rexerose polo Real decreto 1393/2007, de 29 de outubro, modificado polo Real decreto 861/2010, de 2 de xullo; polo Real decreto 1618/2011, de 14 de novembro, sobre recoñecemento de estudos no ámbito da educación superior; pola Normativa mediante a que se establece o procedemento para o recoñecemento académico de créditos por participación en actividades universitarias nos graos da UDC (Consello de

Goberno do 17/07/2012); pola normativa aprobada para o efecto polo Consello de Goberno o día 30 de xuño de 2011, e polo Real decreto 1791/2010, de 30 de decembro, polo que se aproba o Estatuto do estudante universitario.

## 9.2. Transferencia de créditos

O procedemento de **transferencia** de créditos rexerá polo Real decreto 1393/2007, de 29 de outubro, modificado polo Real decreto 861/2010; pola normativa aprobada para o efecto polo Consello de Goberno o día 30 de xuño de 2011, e polo Real decreto 1791/2010, de 30 de decembro, polo que se aproba o Estatuto do estudante universitario.

## 9.3. Solicitude e resolución

A solicitude de recoñecemento de créditos presentarase e resolverase nos prazos establecidos no punto 1 do **Anexo I**.

Excepcionalmente, o alumnado que teña pendente a consecución de recoñecemento de créditos, poderá formalizar de forma presencial a matrícula no TFG, que quedará condicionada ao recoñecemento destes. Con esta finalidade, o recoñecemento de créditos poderá efectuarse fóra dos prazos ordinarios.

No caso de que calquera dos procedementos enunciados alterase a matrícula realizada con anterioridade polos alumnos solicitantes de bolsa, o alumno terá que deixar constancia por escrito, na administración do centro pertinente, conforme foi advertido de que con carácter previo deberá dirixirse á Sección de Bolsas, polas consecuencias que se poidan producir por causa da modificación que solicita.

Posteriormente, as unidades administrativas remitiranlle unha copia da resolución ditada á unidade competente na tramitación dos procedementos de solicitude de bolsas.

## 9.4. Pagamento de prezos públicos por recoñecementos ou transferencias

Pola realización destes trámites pagaránse, de ser o caso, os prezos que para cada curso académico sexan fixados polo correspondente decreto da Xunta de Galicia e pola Instrución 3/2014, da Vicerreitoría de Títulos, Calidade e Novas Tecnoloxías, pola que se establecen os criterios sobre a gratuidade dos recoñecementos de créditos.

Os prezos faranse efectivos nos centros en que o alumnado vaia iniciar ou continuar os seus estudos, seguindo o procedemento vixente en materia de pagamento de prezos por servizos académicos universitarios, nun prazo máximo de 10 días naturais que contará a partir da recepción da notificación da correspondente resolución.

A efectividade destes trámites queda condicionada a que se efectúe o pagamento dos prezos correspondentes.

A resolución de calquera destes trámites só produce efecto no propio curso académico en que se dita (os modelos figuran nos **Anexos VII e VIII**).

## Artigo 10. Prezos públicos por servizos académicos

### 10.1. Pagamento de prezos públicos por servizos académicos universitarios

Os alumnos que formalicen a súa matrícula en calquera dos cursos dos estudos que conducen á obtención de títulos oficiais e con validez en todo o territorio nacional, satisfarán os prezos públicos por servizos académicos que establece o decreto da Xunta de Galicia polo que se fixan os prezos correspondentes aos estudos conducentes á obtención de títulos oficiais no ensino universitario.

Non obstante, de acordo co disposto no apartado 2 do artigo 9 da Resolución reitoral do 27 de abril de 2012, mediante a que se aproba o procedemento para a recadación de «impagados» por prezos públicos de matrícula, o alumnado coa matrícula declarada en suspenso por falta de pagamento no

curso académico anterior, cando solicite matricularse de novo na UDC, deberá pagar antes os atrasos que lle correspondan.

## 10.2. Exencións e bonificacións no pagamento de prezos públicos por servizos académicos

A teor do disposto na normativa da Xunta de Galicia, mediante a que se fixan os prezos correspondentes aos estudos conducentes á obtención de títulos oficiais no ensino universitario e na normativa interna da UDC, establécense os casos de exención ou bonificación destes prezos que se sinalan a seguir:

**10.2.1. Matrícula de honra obtida en estudos universitarios:** o alumnado da UDC (incluído aquel outro que fose admitido a través do sistema de cambio de universidade) que obteña créditos coa cualificación de matrícula de honra estará exento, no curso académico inmediatamente seguinte en que formalice a matrícula, do pagamento dos prezos públicos para a primeira matrícula, nun número equivalente dos créditos de que consten as materias nas que tiña acadado a dita cualificación, sempre que pertencen aos mesmos estudos ou rama de coñecemento.

Esta bonificación non se aplicará se a matrícula de honra é consecuencia do recoñecemento de créditos.

As matrículas de honra obtidas no derradeiro curso de grao serán de aplicación, para estes efectos, exclusivamente na primeira vez que o alumnado se matricule en estudos de máster e sempre que isto ocorra no curso académico inmediatamente seguinte.

A bonificación de prezos públicos en materias de segunda matrícula e sucesivas aplicarase tomando como base o prezo por crédito de primeira matrícula.

### 10.2.2. Matrícula de honra global no segundo curso de bacharelato ou ciclo formativo de formación profesional (FP) de grao superior, premio extraordinario de bacharelato ou de FP de grao superior, e medalla en olimpíadas acreditadas de ámbito nacional ou internacional:

Terán dereito á exención dos prezos de matrícula, agás os previstos na tarifa terceira do decreto da Xunta de Galicia, por unha soa vez, no primeiro curso de ensinanzas de grao, o alumnado que inicie estudos universitarios e acredite ter obtido algunha das citadas mencións.

**10.2.3. Familias numerosas:** os alumnos que sexan membros de familias numerosas de categoría xeral teñen dereito a unha bonificación dun 50% nos prezos públicos de **todas as tarifas** do decreto da Xunta de Galicia, de acordo co que está disposto no artigo 12.2.a) da Lei 40/2003, de 18 de novembro, de protección ás familias numerosas, desenvolvida polo Real decreto 1621/2005, do 30 de decembro, e polas Instrucións da Vicerreitoría de Organización Académica e Titulacións de 26 de febreiro de 2008. Os alumnos que sexan membros de familias numerosas de categoría especial teñen dereito á exención total do pagamento dos prezos públicos de **todas as tarifas** mencionadas, de acordo coa normativa citada.

Esta situación acreditarase ao formalizar a matrícula mediante a documentación que se menciona no punto 2 do **Anexo II** ou, de ser o caso, por calquera medio de proba admisible en dereito.

Se no momento de formalizar a matrícula o título de familia numerosa estivese en tramitación, poderanse obter os referidos beneficios acreditando no centro docente que se presentou a solicitude de recoñecemento ou renovación, así como presentando unha declaración responsable da categoría en que a familia numerosa queda clasificada. Se antes do 31 de decembro do ano en curso non se presentase a xustificación do título, anularanse automaticamente os beneficios concedidos e procederase ao aboamento do importe da matrícula.

Cando o título concedido fose de inferior categoría á declarada, deberase aboar a diferenza que corresponda.

**10.2.4. Persoas con discapacidade:** teñen dereito á exención total do pagamento dos prezos públicos de **todas as tarifas** do decreto da Xunta de Galicia, de acordo co disposto na disposición adicional 24 da Lei orgánica 6/2001, de 21 de decembro, de universidades, modificada pola Lei 4/2007, de 12 de



abril, os alumnos que presenten a resolución expresa da Xunta de Galicia, ou da Seguridade Social, segundo os artigos 1, 2 e 4 do Real decreto legislativo 1/2013, de 29 de novembro, e polo Real decreto 1414/2006, de 1 de decembro, sobre o recoñecemento dun grao de discapacidade grave cuxa porcentaxe determinada sexa igual ou superior ao 33%.

Esta situación acreditarase no prazo de matrícula coa documentación mencionada no punto 2 do **Anexo II**, ou, de ser o caso, por calquera medio de proba admisible en dereito.

**10.2.5.** Os orfos de funcionarios civís e de militares que falecesen en acto de servizo terán dereito á exención do pagamento dos prezos públicos establecidos na **tarifa primeira** do decreto da Xunta de Galicia, sempre que sexan persoas non emancipadas e menores de 25 anos, en aplicación da Orde ministerial do 17/08/1982. A gratuidade alcanzará o prezo correspondente á primeira matrícula e non cubrirá nin a segunda nin as sucesivas matrículas.

**10.2.6. Empregados públicos:** teñen dereito á exención do pagamento dos prezos públicos establecidos na **tarifa primeira** do decreto da Xunta de Galicia os alumnos a que se lles recoñeza o dereito á matrícula gratuítala na Resolución reitoral da Universidade da Coruña de 1 de xullo de 1998, pola cal se regulan os supostos de matrícula gratuítala, modificada polas resolucións reitorais do 22 de xaneiro de 2009 e do 5 de xullo de 2011, nas condicións que nela se establecen.

Esta situación acreditarase ao formalizar a matrícula mediante a documentación que se menciona no punto 2 do **Anexo II** ou, de ser o caso, por calquera medio de proba admisible en dereito.

**10.2.7. Víctimas de actos terroristas:** teñen dereito á exención do pagamento dos prezos públicos por servizos académicos establecidos no decreto da Xunta de Galicia, agás os previstos na tarifa terceira, os alumnos vítimas de actos terroristas, así como os seus cónxuxes e fillos, de acordo co que está disposto na Lei 32/1999, de 8 de outubro, de solidariedade coas vítimas do terrorismo, modificada pola Lei 2/2003, de 12 de marzo, e na normativa que a desenvolve.

Esta situación acreditarase no prazo de matrícula mediante a documentación que se menciona no punto 2 do **Anexo II** ou, no seu caso, por calquera medio de proba admisible en dereito.

**10.2.8. Víctimas de violencia de xénero:** teñen dereito á exención do pagamento dos prezos públicos por servizos académicos establecidos no decreto da Xunta de Galicia, agás os previstos na tarifa terceira, os alumnos que sufran violencia de xénero. Tamén quedarán exentos no caso de seren os seus proxenitores os que a sufran, de acordo co establecido na Lei orgánica 1/2004, de 28 de decembro, de medidas de protección integral contra a violencia de xénero.

Esta situación acreditarase ao formalizar a matrícula mediante a documentación que se menciona no punto 2 do **Anexo II** ou, no seu caso, por calquera medio de proba admisible en dereito. Para estes efectos, o documento acreditativo da dita condición deberá estar adoptado ou emitido no prazo dos 24 meses inmediatamente anteriores á data de formalización da matrícula.

### **10.3. Pagamento dos prezos públicos de matrícula (tarifa primeira do decreto de prezos por servizos académicos)**

Os prezos públicos de matrícula, xunto cos correspondentes á apertura de expediente, a expedición e o mantemento de tarxeta do alumnado, os seguros, e de ser o caso a taxa de tramitación, poden domiciliarse ou realizarse en efectivo.

O alumnado deberá entregar na administración da facultade, escola ou UXAI pertinente a autorización da domiciliación, no caso de non constar como titular da conta bancaria.

Non se admitirán domiciliacións para o pagamento dos prezos públicos de matrícula despois do 1 de decembro do ano en curso.

Ao presentaren a súa solicitude de matrícula no prazo ordinario desta, os alumnos poderán optar polo pagamento íntegro do importe que corresponda ou polo seu pagamento fraccionado en catro prazos: o primeiro dun 40%, o segundo dun 30%, o terceiro dun 20% e o cuarto dun 10%.



a) No caso de elixir o pagamento íntegro, este deberá realizarse **no prazo común dos 10 días naturais seguintes ao día de efectuar a matrícula, nos prazos establecidos para esta.**

b) No caso de elixir o pagamento fraccionado, opción **que só poderá utilizarse para pagamentos en efectivo**, aboarase o 1.º prazo nos **10 días naturais seguintes ao día de efectuar a matrícula**, nos prazos establecidos para esta, o 2.º prazo pagarase entre os días 2 ao 12 de decembro, ambos incluídos, o 3.º prazo pagarase entre os días 3 ao 13 de febreiro, ambos incluídos, e o 4.º entre os días 24 de marzo e 3 de abril, ambos incluídos.

De non facer efectivo o importe íntegro da matrícula ou, no caso do pagamento fraccionado, o importe do 1.º prazo, nos períodos antes establecidos, ou de non presentar aqueles documentos que acrediten o dereito de exención ou bonificación de prezos públicos, así como a autorización da domiciliación bancaria e outros documentos necesarios dos sinalados no **Anexo II** e dos demandados pola facultade, escola ou UXAI pertinente, no prazo común dos 10 días naturais seguintes ao día de efectuar a matrícula, entenderase que a persoa interesada desiste da súa solicitude de matrícula.

Procederase de oficio a aceptar de plano a desistencia da solicitude de matrícula e o procedemento declararase concluído, mediante resolución do decano ou director do centro, por desconcentración das competencias do reitor, dirixida á persoa interesada. Isto suporá a devolución dos prezos públicos que correspondan (nunca se incluírán as contías do seguro escolar e prezos de secretaría), se procede, de acordo co establecido no artigo 94 da Lei 39/2015, do 1 de outubro, do procedemento administrativo común das administracións públicas (o modelo pertinente figura no **Anexo XIII**).

No caso de que se levase a cabo o pagamento do 1.º prazo, pero non os correspondentes aos prazos 2.º, 3.º ou 4.º, as administracións dos centros, **antes do 27 de decembro, antes do 28 de febreiro, ou antes do 20 de abril** respectivamente, seguirán o procedemento fixado no artigo 5 da Resolución reitoral do 27 de abril de 2012, mediante a que se aproba o procedemento para a recadación de «impagados» por prezos públicos de matrícula.

Establecerase unha recarga por un importe de 30 € en concepto de gastos de xestión e tramitación, en caso de existir calquera atraso no pagamento dos prezos públicos que se deben satisfacer.

O alumnado sobre o que, en virtude da antes mencionada resolución reitoral, recaese unha resolución de suspensión de matrícula non deberá figurar, a partir da data da resolución de suspensión, nas actas de cualificacións oficiais.

Se o alumno xa fose cualificado en actas, estas cualificacións terán a consideración de provisionais ata que se realice o efectivo pagamento da matrícula. Esta circunstancia constará en calquera documento que deba expedir a UDC, segundo o disposto na mencionada Resolución reitoral do 27/04/2012.

A posibilidade de reactivar a matrícula suspendida realizarase de acordo co disposto no artigo 9 da citada resolución reitoral.

#### **10.4. Solicitantes de bolsa da convocatoria do Ministerio de Educación**

**10.4.1.** Os alumnos de centros propios ou adscritos coa condición xurídica de solicitantes de bolsa de estudos do Ministerio de Educación aprazarán o pagamento dos prezos de matrícula até se resolver o seu pedimento. Terán que presentar o xustificante que acredite a súa solicitude de bolsa no momento de formalizar a matrícula, ou, de ser o caso, nun prazo de 10 días naturais que contarán a partir do primeiro día do prazo de presentación de solicitudes que estableza a convocatoria de bolsas do Ministerio de Educación.

No caso de que a solicitude de bolsa fose desestimada ou revogada polo Ministerio de Educación, os alumnos deberán pagar o importe dos prezos públicos da súa matrícula, de acordo con calquera destes procedementos:

**a) Pagamento único:** realizarase nos 10 días naturais seguintes ao de se recibir a notificación da denegación da solicitude da bolsa. Para efectuar este pagamento, o alumno solicitará no

prazo indicado a liquidación correspondente na administración do centro en que estea cursando estudos.

**b) Pagamento fraccionado no módulo de matrícula:** cobrarase o 90% do importe no 3.º prazo establecido no artigo 10.3 desta norma, e o 10% restante no 4.º prazo mencionado nese mesmo artigo.

**c) Pagamento fraccionado extraordinario:** cobrarase o 50% do importe nos 10 días naturais seguintes ao de se recibir a notificación da denegación da solicitude da bolsa e o 50% restante no 4.º cuarto prazo previsto no citado artigo 10.3. Para efectuar estes pagamentos o alumno solicitará nos prazos indicados, as liquidacións pertinentes na administración do centro en que estea cursando estudos.

En caso contrario, aplicaráselle o procedemento establecido na Resolución reitoral do 27 de abril de 2012, mediante a que se aproba o procedemento para a recadación de «impagados» por prezos públicos de matrícula.

**10.4.2.** Malia o disposto no apartado anterior, e sen prexuízo da tramitación da solicitude de bolsa, os alumnos que non reúnan os requisitos académicos esixidos pola correspondente orde do Ministerio de Educación deberán realizar o pagamento da matrícula (o modelo figura no **Anexo XIV**). De se lles conceder posteriormente a bolsa, poderán solicitar a devolución deste pagamento. De non pagar o prezo da matrícula seralles de aplicación o establecido no artigo 10.3.

**10.4.3.** Os bolseiros do Ministerio de Educación só teñen dereito á exención dos prezos públicos das primeiras matrículas. Non entrarán a formar parte da bolsa de matrícula aqueles créditos que excedan o número mínimo preciso para obter a titulación de que se trate. Tampouco formarán parte da bolsa de matrícula os prezos públicos que cómpre aboar polos recoñecementos de créditos.

**10.4.4.** As administracións dos centros comprobarán que os alumnos beneficiarios de bolsas de carácter xeral e de mobilidade convocadas polo Ministerio de Educación, que consten na relación nominal que no seu momento sexa remitida desde ese ministerio, destinaron a axuda á finalidade para a que foi concedida, seguindo as consideracións e os requisitos que se establecesen na correspondente convocatoria.

**10.4.5.** Os alumnos deberán liquidar o pagamento do seguro escolar. Ademais, os que se matriculen de primeiro curso por vez primeira deberán aboar o prezo de apertura de expediente.

## **10.5. Solicitantes de axuda/bolsa e bolseiros doutros organismos públicos ou privados**

No caso do alumnado solicitante ou beneficiario dunha bolsa distinta ás do Ministerio de Educación, para poder acollerse á exención dos prezos públicos este beneficio deberá figurar explicitamente na convocatoria a que se presente ou, de ser o caso, na resolución ou o acordo pertinentes, así como tamén a compensación do importe á universidade correspondente.

**10.6** Se o alumnado é beneficiario dalgunha bonificación ou exención deberá acreditarlo no momento de formalizar a matrícula.

## **TÍTULO II. RÉXIME DE CAMBIO DE UNIVERSIDADE E/OU ESTUDOS UNIVERSITARIOS OFICIAIS ESPAÑOIS**

### **Artigo 11. Ámbito de aplicación**

Este procedemento aplicarase só ás titulacións de grao adaptadas ao EEES.

1. Considéranse os seguintes casos:

**a)** Alumnos de novo ingreso que desexen iniciar estudos.

**b)** Alumnos con estudos universitarios parciais españois procedentes doutras universidades que soliciten praza para seren admitidos nunha titulación da UDC. A documentación que teñen que presentar na administración do centro correspondente figura no punto 3 do **Anexo II**.

c) Alumnos da UDC que soliciten un cambio dos estudos oficiais que estivesen a realizar. A documentación que teñen que presentar na administración do centro correspondente figura no punto 4 do **Anexo II**.

Os casos previstos nos puntos b) e c) anteriores requiren que aos alumnos solicitantes se lles recoñeza un número mínimo de 30 créditos ECTS. As solicitudes serán resoltas polos decanos e directores dos centros (os modelos atópanse nos **Anexos III e IV**), de acordo coa Normativa de recoñecemento e transferencia de créditos para as titulacións adaptadas ao EEES, aprobada polo Consello de Goberno o 30 de xuño de 2011. De non se lles recoñecerem, deberán incorporarse ao procedemento xeral de admisión.

d) Alumnos con estudos estranxeiros que, logo do recoñecemento dos devanditos estudos, sexan admitidos nunha titulación da UDC. A documentación que teñen que presentar na administración do centro correspondente, figura no punto 5 do **Anexo II**.

As solicitudes de praza dos alumnos cuxo caso sexa o recollido no apartado d) a que se lles recoñeza un número mínimo de 30 créditos ECTS tamén serán resoltas polos decanos e directores dos centros (os modelos recóllense nos **Anexos III e IV**), de acordo coa normativa antes citada. De non se lles recoñecerem, poderán acceder á universidade de acordo co disposto no art. 30 do Real decreto 412/2014, do 6 de xuño.

2. Os prazos para solicitar e resolver estes trámites son os establecidos no punto 1 do **Anexo I** desta normativa.

3. As solicitudes de cambio de universidade e/ou estudos universitarios realizadas fóra do prazo fixado para tal fin serán resoltas, por desconcentración de competencias do reitor, polos decanos ou directores dos centros. Poderanse resolver favorablemente sempre que existan prazas vacantes. Contra a súa resolución poderá presentarse un recurso de alzada perante o reitor.

4. Os alumnos solicitantes tamén terán que superar aquelas probas específicas que a universidade estableza para o acceso a determinadas ensinanzas, de ser o caso.

## Artigo 12. Cota de admisión

### 12.1. Titulacións de grao

Para a admisión de estudantado de continuación de estudos establécese unha cota máxima do 20% sobre o número de prazas ofertadas en primeiro por primeira vez. Para a súa selección terase en conta o expediente académico do alumno.

Excepcionalmente, os centros poderán ofertar porcentaxes superiores ou inferiores en determinadas titulacións, tendo en conta o número de solicitudes que poidan ser atendidas, logo de comprobar a capacidade ou dispoñibilidade existente. Neste caso deberase facer público o acordo adoptado polo órgano que corresponda, que deberá ser motivado.

### 12.2. Situacións excepcionais

Enténdese que o cambio que pode solicitar calquera alumno/a entre as titulacións de grao en Enfermaría e entre as titulacións de grao en Relacións Laborais e Recursos Humanos, que se imparten en centros propios no campus de Ferrol e en centros adscritos no campus da Coruña, non supón máis que un cambio de centro, por se tratar da mesma universidade e das mesmas titulacións. Así, o réxime de cambio de universidade e/ou estudos universitarios oficiais establecido neste título non lle resultará de aplicación, agás no que teña que ver coa posible limitación de prazas en cada centro.

Para estes efectos, se un alumno solicita un cambio de centro para a mesma titulación, o centro de orixe enviaralle unha copia do seu expediente ao centro receptor. O centro de orixe quedará co expediente orixinal do alumno, ao que incorporará unha dilixencia que dea conta desta circunstancia.

### TÍTULO III. ADMISIÓN E MATRÍCULA NOS ESTUDOS DE GRAO DO ALUMNADO TITULADO NA ORDENACIÓN UNIVERSITARIA ANTERIOR

#### Artigo 13. Ámbito de aplicación

Aquel alumnado que estea en posesión dun título universitario da anterior ordenación académica que lle dea acceso a un grao, de acordo cos requisitos establecidos en cada memoria do plan de estudos correspondente, poderá solicitar a admisión nas condicións sinaladas na dita memoria, nos prazos, no lugar e coa documentación que se sinalan nos **Anexos I e II**.

Esta admisión solicitarase no centro en que se imparta a titulación a que se pretenda acceder.

#### Artigo 14. Orde de prelación para resolver as solicitudes de admisión

**14.1.** Para adxudicar as prazas dispoñibles entre alumnos que se encontren na mesma situación terase en conta a nota media do expediente académico nos estudos que acrediten, que se calculará de acordo co disposto no apartado segundo do Protocolo de colaboración suscrito pola Consellería de Educación e Ordenación Universitaria e as universidades de Santiago de Compostela, A Coruña e Vigo, publicado por Resolución do 15 de setembro de 2011, da Secretaría Xeral Técnica da citada consellería (DOG do 30/09/2011).

**14.2.** A competencia para resolver as reclamacións contra a listaxe provisional de admitidos no «curso ponte» correspóndelles, por desconcentración das competencias do reitor, aos decanos ou directores dos centros, nos prazos que se establezan.

As datas e os prazos de publicación das relacións provisionais e definitivas de alumnos admitidos, que se exporán nos centros, así como de reclamacións e de matrícula, son os que figuran no punto 2 do **Anexo I** desta normativa.

### TÍTULO IV. RÉXIME DE AVALIACIÓNS

#### Artigo 15. Convocatorias e Oportunidades para materias das titulacións de grao e máster universitario

**15.1.** O número de convocatorias e oportunidades será o establecido no “Título IV. Convocatorias” das Normas de avaliación, revisión e reclamación das cualificacións dos estudos de grao e máster universitario, aprobadas polo Consello de Goberno do 19/12/2013.

**15.2.** Existirá unha única convocatoria por ano académico para cada unha das materias. O alumnado disporá de dúas oportunidades por cada convocatoria.

**15.3.** O estudantado de grao e máster que non teña pendente máis que a superación de 12 créditos ou dúas materias das cales xa estivese matriculado nalgún ano académico, ou de 18 créditos correspondentes a prácticas, ademais do TFG ou TFM, para rematar os seus estudos, poderá concorrer a unha oportunidade adiantada de avaliación que se levará a cabo antes de finalizar as actividades académicas do 1.º cuadrimestre, naquelas datas que se establezan no calendario académico que aprobe o Consello de Goberno.

Os trámites e as condicións desta oportunidade adiantada están establecidos no artigo 19 das Normas de avaliación, revisión e reclamación das cualificacións dos estudos de grao e máster universitario.

#### Artigo 16. Convocatoria e oportunidades para os Traballos de Fin de Grao e Traballos de Fin de Máster

O número de convocatorias e oportunidades será o establecido no “Título IV. Convocatorias” das Normas de avaliación, revisión e reclamación das cualificacións dos estudos de grao e máster universitario, aprobadas polo Consello de Goberno do 19/12/2013 e na Normativa reguladora da

matrícula e a defensa do Traballo Fin de Grao (TFG) e do Traballo Fin de Máster (TFM), aprobada polo Consello de Goberno na mesma data.

**16.1.** As ensinanzas oficiais de grao e máster concluirán coa elaboración e defensa pública dun traballo de fin de grao (TFG) e dun traballo de fin de máster (TFM), respectivamente, en que deben integrarse e desenvolverse os contidos formativos recibidos, así como as capacidades, competencias e habilidades adquiridas durante o período de docencia, e que suporá a realización, por parte de cada estudante e de forma individual, dun proxecto, unha memoria ou un estudo concreto. A avaliación dos TFG e TFM orientarase á verificación das competencias esenciais que outorga o título.

**16.2.** O TFG e o TFM só poderán ser defendidos e avaliados unha vez que se teña constancia de que o/a estudante superou todos os créditos necesarios para obter o título de grao ou máster, agás os correspondentes ao propio TFG ou TFM.

**16.3.** Para a súa defensa e avaliación, o estudante disporá dunha convocatoria con dúas oportunidades en cada curso académico. A consideración de «non presentado» (NP) non esgota as oportunidades.

Nas titulacións de grao e nas de máster universitario de 60 e de 120 créditos ECTS, a primeira oportunidade de defensa e avaliación dos TFG e dos TFM realizarase nos meses de maio, xuño ou xullo. A segunda oportunidade de defensa e avaliación dos TFG e dos TFM realizarase nos meses de xullo ou setembro.

Nos programas de simultaneidade de estudos de grao aprobados polo Consello de Goberno (cuxa estrutura así o requira), así como nos másteres universitarios de 90 créditos ECTS, a primeira oportunidade de defensa e avaliación dos TFG e dos TFM realizarase nos meses de xaneiro ou febreiro. A segunda oportunidade terá lugar no 2.º cuatrimestre naquelas datas que estableza cada facultade ou escola.

En todos os casos, as facultades ou escolas respectarán as datas límite para a sinatura e entrega de actas que consten no calendario académico aprobado polo Consello de Goberno.

**16.4.** De forma excepcional, e sempre que o estudante non teña pendente máis que a superación do TFG ou do TFM para rematar os seus estudos de grao ou de máster universitario, poderá solicitar a defensa para realizala naquelas datas que estableza cada facultade ou escola, desde o inicio do curso académico até a data límite de sinatura e entrega de actas da segunda oportunidade que conste no calendario académico aprobado polo Consello de Goberno, pero respectando sempre o número máximo de dúas oportunidades de que poderá facer uso en cada curso académico.

## TÍTULO V. INSCRIPCIÓN E MATRÍCULA NAS ENSEINANZAS OFICIAIS DE MÁSTER

### Artigo 17. Ámbito de aplicación

O alumnado que desexe iniciar ou continuar os estudos que conduzan á obtención dun título oficial de máster da UDC.

### Artigo 18. Acceso e admisión

#### 18.1. Acceso

**18.1.1.** Para acceder ás ensinanzas oficiais de máster será necesario posuír un título universitario oficial español ou doutro estado expedido por unha institución de educación superior do EEES que faculte no país expedidor do título para o acceso a ensinanzas de máster.

**18.1.2.** Así mesmo, poderán acceder os titulados conforme a sistemas educativos **alleos ao espazo europeo de educación superior**, sen necesidade de homologar os seus títulos, logo de que a UDC comprobe que estes acreditan un nivel de formación equivalente aos correspondentes títulos universitarios oficiais españois e facultan no país expedidor do título para o acceso a ensinanzas de posgrao. O acceso por esta vía non implicará, en ningún caso, a homologación do título previo do que



este en posesión a persoa interesada, nin o seu recoñecemento para outro efecto que o de cursar as ensinanzas de máster.

**18.1.3.** Segundo o acordado polo Consello de Goberno o 29/03/2017, reservarase un 5% das prazas ofertadas nos estudos de máster universitario para os estudantes que teñan recoñecido un grao de discapacidade igual ou superior ao 33%, así como para os estudantes con necesidades educativas especiais permanentes asociadas ás condicións persoais de discapacidade, que durante a súa escolarización anterior precisasen recursos e apoio para a súa plena normalización educativa.

As prazas obxecto de reserva para estes estudantes que queden sen cubrir, serán acumuladas ás ofertadas pola UDC no réxime xeral en cada unha das convocatorias.

## 18.2. Admisión

**18.2.1.** Os estudantes poderán ser admitidos nun máster de acordo cos requisitos específicos e os criterios de valoración de méritos que, de ser o caso, sexan propios de cada título de máster universitario ou que estableza a UDC.

**18.2.2.** A UDC incluírá os procedementos e os requisitos de admisión, entre os cales poderán figurar requisitos de formación previa específica nalgúns disciplinas, no plan de estudos.

**18.2.3.** Estes sistemas e procedementos deberán incluír, para o caso de estudantes con necesidades educativas específicas derivadas de discapacidade, os servizos de apoio e asesoramento adecuados que avaliarán a necesidade de posibles adaptacións curriculares, itinerarios ou estudos alternativos.

A admisión non implicará, en ningún caso, ningunha modificación dos efectos académicos e profesionais que correspondan ao título previo do que estea en posesión a persoa interesada, nin o seu recoñecemento para outro efecto que o de cursar ensinanzas de máster.

## Artigo 19. Preinscrición e matrícula

**19.1.** A **matrícula ordinaria** é a que realizan os estudantes que se inscriben na universidade para seguir regularmente os estudos que conducen á obtención dun título universitario oficial de máster.

De acordo co establecido na Norma que regula o réxime de dedicación ao estudo e a permanencia e a progresión dos estudantes de Grao e Máster Universitario na UDC, aprobada polo Consello Social o 04/05/2017, establécense as seguintes modalidades de matrícula ordinaria nas titulacións de máster universitario: **matrícula a tempo completo** e **matrícula a tempo parcial**. As súas condicións regúlanse nos apartados 19.7 e 19.8 desta normativa.

**19.2.** A **matrícula extraordinaria** é a que realizan aquelas persoas que, reunindo os requisitos de acceso e admisión a estudos de máster e con independencia da titulación que posúan, se inscriben en materias diversas das diferentes titulacións de máster da universidade sen esperar a obtención dun título. **Estas persoas non constarán en actas de cualificacións oficiais** e recibirán, ao remate dos seus estudos, un certificado do profesorado encargado da materia expresivo da súa asistencia e aproveitamento, con indicación da cualificación final que obteñan. Aboarán as taxas correspondentes á apertura do expediente de matrícula extraordinaria e os prezos públicos dos créditos matriculados.

En calquera caso, a admisión destas persoas en cada unha das materias que queiran cursar quedará condicionada á existencia de prazas dispoñibles nelas, unha vez que se computen as matrículas ordinarias en cada titulación en que se imparta a materia que soliciten, así como á decisión que adopte o centro sobre a formación previa necesaria da persoa solicitante. Para estes efectos, esta matrícula farase de forma presencial na administración do centro que corresponda.

**19.3.** O calendario de preinscrición e de matrícula, aprobado polo Consello de Goberno do 27 de febreiro de 2019, é o que figura no **Anexo I**.

**19.4.** Publicada a relación definitiva de persoas admitidas, estas matricularanse e procederán ao aboamento dos prezos públicos de matrícula, de acordo co disposto no artigo 10.3 desta normativa.



**19.5.** O alumnado da UDC que non estea en posesión dun título universitario poderá acollerse ao procedemento extraordinario de preinscrición en másteres universitarios conforme ao establecido no acordo adoptado polo Consello de Goberno o 23/03/2015.

**19.6.** As solicitudes de matrícula realizadas fóra dos prazos establecidos serán resoltas, por desconcentración das competencias do reitor, polos decanos ou directores dos centros (os modelos correspondentes figuran nos **Anexos IX e X**). Contra a súa resolución poderá presentarse un recurso de alzada perante o reitor.

### **19.7. Matrícula no primeiro curso en titulacións de máster universitario**

Os estudantes que inicien estudos de máster universitario poderán matricularse de acordo coas seguintes opcións, de conformidade coa Norma que regula o réxime de dedicación ao estudo e a permanencia e a progresión dos estudantes de Grao e Máster Universitario na UDC, aprobada polo Consello Social o 04/05/2017:

#### **a) Opción preferente: matrícula a tempo completo**

Os estudantes admitidos por primeira vez no primeiro curso dos estudos de máster que desexen ter a condición de estudantes con dedicación a tempo completo, deberán matricularse de 60 créditos correspondentes ao primeiro curso da titulación.

#### **b) Opción que deberá xustificar o/a estudante: matrícula a tempo parcial**

De acordo co disposto na Norma que regula o réxime de dedicación ao estudo e a permanencia e a progresión dos estudantes de Grao e Máster Universitario na UDC, son estudantes de primeiro curso por primeira vez con dedicación ao estudo a tempo parcial aqueles que sexan autorizados a efectuar a súa matrícula neste réxime, tras acreditar coa súa solicitude que se atopan nalgún dos supostos do artigo 8 e segundo os procedementos sinalados nos artigos 7 e 9 da citada norma. A matrícula a tempo parcial nunca poderá ser inferior a 24 créditos nin superior a 48.

A comisión de selección do máster de cada facultade ou escola será o órgano encargado de resolver estas solicitudes con base nas circunstancias acreditadas polas persoas solicitantes, sen que en ningún caso o número de solicitudes autorizadas poida superar o 30% do número de prazas que se ofertan a primeiro curso en cada ano académico. No suposto de que non se cubrixe na súa totalidade a oferta de prazas realizada, non será necesario aplicar esa limitación para o réxime de matrícula a tempo parcial; porén, deberá respectarse en todo caso o número de prazas que se oferten a primeiro.

Por conseguinte, establecerase un sistema de selección que, en calquera caso, terá en conta a nota media do expediente académico correspondente aos estudos universitarios que dan acceso ao máster. O procedemento seguirá o establecido no capítulo II da Norma que regula o réxime de dedicación ao estudo e a permanencia e a progresión dos estudantes de Grao e Máster Universitario na UDC, e as solicitudes serán resoltas, por desconcentración das competencias do reitor, polos presidentes das comisións de selección (os modelos recóllense nos **Anexos XI e XII**). Contra a súa resolución poderá presentarse un recurso de alzada perante o reitor.

A súa matrícula producirá os efectos descritos no art. 6 da norma antedita.

As persoas solicitantes desta opción deberán aprazar o pagamento da matrícula, agás o seguro escolar e os prezos de secretaría, ao presentar a súa solicitude, até que se resolva.

Se o/a estudante non resulta seleccionado/a para se matricular a tempo parcial, poderá optar pola matrícula a tempo completo ou, de ser o caso, renunciar á praza que lle fose adxudicada pola comisión de selección do máster. En calquera caso, non se devolverán as contías do seguro escolar e os prezos de secretaría.

No caso de non cumprir o establecido nos apartados a) e b) anteriores, entenderase que a persoa interesada desiste da súa solicitude de matrícula. Procederase de oficio a aceptar de plano a desistencia da solicitude da matrícula, e o procedemento declararase concluído, mediante resolución do

decano ou director do centro, por desconcentración das competencias do reitor, dirixida á persoa interesada. Isto suporá a devolución dos prezos públicos que correspondan, se procede, de acordo co establecido no artigo 94 da Lei 39/2015, do 1 de outubro, do procedemento administrativo común das administracións públicas (o modelo pertinente figura no **Anexo XIII**).

## 19.8. Matrícula de continuación de estudos nas titulacións de máster universitario

**19.8.1.** Poderán formalizar a súa matrícula de continuación de estudos de máster universitario aqueles alumnos que pretendan continuar os seus estudos na mesma titulación en que estiveron matriculados no curso 2018/2019 ou noutros cursos anteriores.

**19.8.2.** De acordo co disposto no art. 4 da Norma que regula o réxime de dedicación ao estudo e a permanencia e a progresión dos estudantes de Grao e Máster Universitario na UDC, o alumnado de continuación de estudos de máster universitario, con **dedicación a tempo completo** deberá matricularse dun número non inferior a 48 créditos, que nunca poderá superar os 78, agás de lle restar menos créditos para rematar os seus estudos. A matrícula poderá alcanzar un número maior de créditos cando esta estea condicionada polas obrigas académicas establecidas no plan de estudos: ordenación temporal dos estudos, prelacións ou prerequisites e pola compatibilidade horaria das materias en que se vai matricular o alumnado.

**19.8.3.** De acordo co disposto no artigo 4 da Norma que regula o réxime de dedicación ao estudo e a permanencia e a progresión dos estudantes de Grao e Máster Universitario na UDC, son estudantes de continuación de estudos con **dedicación a tempo parcial** aqueles que realicen unha matrícula que nunca pode ser inferior a 24 créditos, agás se lles restan menos créditos para rematar os seus estudos, nin superior a 48. A comisión de selección do máster de cada facultade ou escola será o órgano encargado de resolver as solicitudes con base nas circunstancias acreditadas polas persoas solicitantes, tras acreditar que se atopan nalgún dos supostos que se enumeran no artigo 8 desa norma e segundo o procedemento establecido no seu artigo 9.

O procedemento seguirá o sinalado no capítulo II da norma citada no primeiro parágrafo deste apartado. As solicitudes serán resoltas, por desconcentración das competencias do reitor, polos presidentes das comisións de selección (os modelos correspondentes figuran nos **Anexos XI e XII**). Contra a súa resolución poderá presentarse un recurso de alzada perante o reitor.

Os solicitantes desta opción deberán aprazar o pagamento da matrícula, agás o seguro escolar e os prezos de secretaría (que en ningún caso serán obxecto de devolución), ao presentar a solicitude mencionada, até que se resolva.

Se o/a estudante non resulta seleccionado/a para a opción de matrícula a tempo parcial, deberá optar pola matrícula a tempo completo.

No caso de non cumprir o establecido nos apartados 19.8.2 e 19.8.3, entenderase que a persoa interesada desiste da súa solicitude de matrícula. Procederá de oficio a aceptar de plano a desistencia da solicitude da matrícula, e o procedemento declararase concluído, mediante resolución do decano ou director do centro, por desconcentración das competencias do reitor, dirixida á persoa interesada. Isto suporá a devolución dos prezos públicos que correspondan, se procede, de acordo co establecido no artigo 94 da Lei 39/2015, do 1 de outubro, do procedemento administrativo común das administracións públicas (o modelo áchase no **Anexo XIII**).

**19.9.** A **matrícula do TFM** farase de acordo co disposto no artigo 1 da Normativa reguladora da matrícula e a defensa do Traballo Fin de Grao (TFG) e do Traballo Fin de Máster (TFM), aprobada polo Consello de Goberno o 19 de decembro de 2013.

Para poder formalizar a matrícula do TFM será requisito imprescindible matricularse tamén de todas as materias necesarias para rematar o plan de estudos do máster.

## Artigo 20. Matrícula en cursos extinguidos de titulacións de máster

Unha vez extinguido cada curso dunha titulación por calquera das causas mencionadas nos puntos 1.º e 3.º da Instrución 1/2012-2013, da Vicerreitoría de Títulos, Calidade e Novas Tecnoloxías, mediante a que se establecen as garantías dos dereitos académicos dos alumnos de títulos oficiais de grao e máster, o alumnado de continuación de estudos de máster que se atope en proceso de modificación, supresión ou extinción dos seus títulos ou dos seus plans de estudos, disporá dunha convocatoria con dúas oportunidades de exame, no mesmo curso académico en que se produce a extinción, para superar as materias ou as disciplinas pertencentes ao curso académico extinguido.

## Artigo 21. Impedimentos para formalizar a matrícula de continuación de estudos de máster universitario. Permanencia

Ao abeiro do artigo 5 da Norma que regula o réxime de dedicación ao estudo e a permanencia e a progresión dos estudantes de Grao e Máster Universitario na UDC, os estudantes de primeiro curso por primeira vez que se matriculen no réxime de dedicación a tempo completo, deberán superar nese curso académico polo menos 18 créditos. Se o título en que estivesen matriculados dese acceso a unha profesión regulada, deberán superar un mínimo de 12 créditos no primeiro ano académico en que estean matriculados.

Os estudantes de primeiro curso, por primeira vez, que se matriculen no réxime de dedicación a tempo parcial deberán superar nese curso académico polo menos 12 créditos. Se o título en que estivesen matriculados dese acceso a unha profesión regulada, deberán superar un mínimo de 6 créditos no primeiro ano académico en que se matriculen.

Os estudantes de continuación de estudos, matriculados a tempo completo, deberán superar un mínimo de 60 créditos cada dous anos académicos. Se o título en que estivesen matriculados dese acceso a unha profesión regulada, deberán superar un mínimo de 60 créditos cada tres anos académicos.

Os estudantes de continuación de estudos, matriculados a tempo parcial, deberán superar un mínimo de 30 créditos cada dous anos académicos. Se o título en que estivesen matriculados dese acceso a unha profesión regulada, deberán superar un mínimo de 30 créditos cada tres anos académicos.

Aquel estudante que non cumpra os requisitos anteriores non poderá proseguir os mesmos estudos na UDC. Non obstante, poderá cambiar de universidade e/ou de titulación, conforme se dispón no artigo 11 da norma citada no inicio deste apartado.

## Artigo 22. Coordinación dos másteres e comisión de selección

**22.1.** Cada máster universitario estará coordinado por un/ha profesor/a coordinador/a que será nomeado/a para o efecto, de acordo co disposto no apartado 1 do artigo 7 da Normativa pola que se regulan as ensinanzas oficiais de grao e máster universitario na UDC, aprobada polo Consello de Goberno o 27/06/2012, modificada o 19/12/2013, o 29/09/2015 e o 23/02/2017.

**22.1.1.** Para a selección de estudantes, a dirección do centro nomeará unha comisión que estará composta, como mínimo, por tres profesores con docencia no máster, un deles o seu coordinador que a presidirá, e a persoa responsable da administración do centro, que custodiará a documentación recibida. A devandita comisión elixirá, entre os seus membros, un/ha secretario/a, que redactará as actas das reunións e que certificará os seus acordos. A composición desta comisión farase pública no taboleiro e na páxina web, no caso de existir, da facultade ou escola.

**22.1.2.** Cada comisión de selección deberá constituírse con anterioridade ao inicio do proceso de admisión de alumnado. Antes da apertura do prazo de admisión, as comisións elaborarán e publicarán, no taboleiro de anuncios e na web do centro, o baremo que empregarán para valorar as solicitudes presentadas para cada máster.

Logo da baremación das solicitudes, as comisións de selección elaborarán dúas listaxes provisionais, unha de persoas admitidas e outra de persoas excluídas. Na listaxe de persoas excluídas

especificarase o motivo da exclusión, de ser o caso. A listaxe de persoas admitidas distinguirá as solicitudes de admisión a tempo completo e a tempo parcial.

Estableceranse en ambos os casos a correspondente listaxe de agarda.

Tras o prazo de reclamacións ás listaxes provisionais, e unha vez que tales reclamacións sexan resoltas pola comisión, o secretario desta entregará na administración do centro as listaxes definitivas, que conterán a puntuación concedida a cada solicitante. A administración do centro será a encargada de introducir os datos na aplicación informática usada para o proceso de admisión.

As comisións de selección dos másteres interuniversitarios seguirán os procedementos sinalados nos respectivos convenios.

**22.1.3.** Para acceder aos estudos de máster, o alumnado con títulos estranxeiros de sistemas educativos alleos ao EEES, non homologados ou non declarados equivalentes polo ministerio competente, que faculden no país expedidor do título para o acceso a ensinanza de posgrao, tamén deberá presentar na administración do centro correspondente, xunto coa solicitude de acceso, unha "solicitude de equivalencia de estudos estranxeiros aos estudos oficiais españois", dirixida ao reitor, pola que aboará as taxas correspondentes en todo caso antes de formalizar a súa matrícula.

Unha vez que a comisión de selección pertinente comprobe que as persoas solicitantes acreditan un nivel de formación equivalente aos correspondentes títulos españois de grao, remitiralle a súa proposta a través da administración do centro ao reitor, que resolverá de acordo coa proposta realizada.

**22.1.4.** Todas as solicitudes presentadas por persoas cos títulos académicos esixibles deberán seguir o procedemento establecido no acordo adoptado polo Consello de Goberno do 27/02/2019, que consta no punto 4 do **Anexo I**.

### **Artigo 23. Reclamacións e recursos**

Os estudantes que non sexan admitidos poderán presentar unha reclamación ante a comisión de selección correspondente, mediante unha instancia motivada que dirixirán a quen a presida. A dita instancia entregárase na administración do centro no prazo que se sinale no calendario académico aprobado polo Consello de Goberno (**Anexo I**).

A comisión resolverá as reclamacións e publicará no taboleiro de anuncios do centro a relación definitiva de persoas admitidas.

Contra esta resolución cabe interpoñer un recurso de alzada perante o reitor.

### **Artigo 24. Desistencia e modificación da matrícula**

Os estudantes poderán solicitar a desistencia ou a modificación da matrícula de acordo co que se dispón a seguir.

**24.1.** A solicitude de desistencia total da matrícula só se estimará de se solicitar como data límite o día 22 de novembro de 2019, incluído, sen prexuízo do disposto no apartado 24.6 desta normativa.

A estimación da solicitude de desistencia total de matrícula realizada no período indicado levará consigo a anulación da matrícula e a devolución dos prezos públicos aboados correspondentes á tarifa primeira do decreto da Xunta de Galicia que establece os prezos públicos de nivel universitario.

Se o alumno que solicita a desistencia de matrícula ten a condición de solicitante de bolsa, deberá solicitar ao mesmo tempo a desistencia da súa solicitude de bolsa.

**24.2.** Sempre que concorran causas sobrevidas, ou de carácter grave, e suficientemente acreditadas, a solicitude de desistencia parcial ou total de matrícula por instancia do estudante, efectuada fóra do prazo sinalado no punto anterior, se resulta estimada levará consigo a anulación parcial ou total da matrícula e a devolución dos prezos públicos das materias anuladas, de ser o caso.



No expediente do estudante ao que lle fose estimada a solicitude de desistencia parcial de matrícula constarán todas as cualificacións que obteña no 1.º cuatrimestre e, se é o caso, aquelas outras cualificacións que obteña en materias do 2.º cuatrimestre.

**24.3.** A modificación da matrícula enténdese como a ampliación de materias e/ou como a substitución dunha materia por outra, ou por materias cun número de créditos igual ou similar. Estas novas materias teñen que ser elixidas entre as que estivesen en condición de matrícula durante o período de matriculación. Os prazos máximos para solicitar unha modificación son os seguintes:

**a)** Ampliación e/ou substitución de materias do 1.º cuatrimestre, ou de materias anuais: ata o 20 de setembro de 2019.

**b)** Ampliación e/ou substitución de materias do 2.º cuatrimestre ou anuais: ata o 19 de febreiro de 2020.

O alumnado de primeiro de máster, matriculado por primeira vez, con matrícula a tempo parcial, poderá solicitar a ampliación/substitución de matrícula en créditos correspondentes a materias do primeiro curso da súa titulación, respectando os prazos sinalados,

Da mesma forma, o alumnado de continuación de estudos de máster poderá solicitar a ampliación/substitución no número de créditos que considere, respectando o disposto na memoria verificada do seu título. Non obstante, o número final de créditos que resulte logo da solicitude de ampliación de matrícula, descontados aqueles correspondentes a materias superadas no primeiro cuatrimestre, se é o caso, non poderá superar o número máximo de créditos establecidos no apartado 19.8.2 destas normas.

**c)** O alumnado con bolsa do Ministerio de Educación e que sexa beneficiario tamén de bolsa de mobilidade, disporá dun prazo máximo, que se establece ata o 1 de marzo de 2020, para modificar a súa matrícula. Esta modificación tramitarase de acordo coa normativa aplicable a cada caso.

**24.4.** Aceptarase a ampliación de matrícula en materias, sempre que nestas non se realizase a primeira oportunidade de exame, e tamén a posibilidade de anulación parcial de materias, nos casos seguintes:

**a)** Ampliación de matrícula en materias e/ou anulación parcial de materias, co obxecto de que o/a estudante poida beneficiarse de bolsas convocadas polo Ministerio de Educación, a Xunta de Galicia, a UDC ou calquera outro organismo, público ou privado.

**b)** Ampliación de matrícula en materias por ditarse resolución positiva de recoñecemento de créditos, sempre que se solicitase no período ordinario de matrícula.

Con independencia da presentación ou non do recurso que proceda contra a citada resolución de recoñecemento de créditos ECTS, o alumnado deberá matricularse no prazo indicado na resolución.

**24.5.** A competencia para resolver as situacións derivadas dos apartados 24.1, 24.3 e 24.4 corresponderalles aos decanos ou directores dos centros, por desconcentración das competencias do reitor, nos prazos que se establezan en cada caso. Contra a súa resolución caberá presentar un recurso de alzada perante o reitor.

A competencia para resolver a situación prevista na epígrafe 24.2 correspóndelle ao reitor ou vicerreitor en que delegue. Contra a súa resolución caberá presentar un recurso potestativo de reposición perante o reitor ou recurso contencioso-administrativo.

**24.6.** Malia o indicado nos apartados precedentes, o reitor poderá estimar en calquera momento as solicitudes de desistencia total ou parcial e de modificación da matrícula, ademais de resolver a súa anulación, naquelas situacións en que concorran circunstancias excepcionais debidamente motivadas polas persoas interesadas. A resolución poderá comportar, no seu caso, a devolución dos prezos públicos aboados que correspondan.

**24.7.** En calquera caso, para os efectos de coordinación cos procedementos de solicitude de bolsas, o alumno terá que deixar constancia por escrito, na administración do centro pertinente, conforme foi

advertido de que con carácter previo deberá dirixirse á Sección de Bolsas, polas consecuencias que se poidan producir por causa da modificación que solicita.

As unidades administrativas enviarán sempre unha copia das resolucións que se ditasen á sección mencionada.

## **Artigo 25. Recoñecementos e transferencias de créditos**

### **25.1. Recoñecemento de créditos**

O procedemento de **recoñecemento** de créditos para titulacións adaptadas ao EEES rexerá polo Real decreto 1393/2007, do 29 de outubro, modificado polo Real decreto 861/2010, do 2 de xullo; pola normativa aprobada para o efecto polo Consello de Goberno o día 30 de xuño de 2011 e polo Real decreto 1791/2010, de 30 de decembro, polo que se aproba o Estatuto do estudante universitario.

### **25.2. Transferencia de créditos**

O procedemento de **transferencia** de créditos rexerá polo Real decreto 1393/2007, do 29 de outubro, modificado polo Real decreto 861/2010; pola normativa aprobada para o efecto polo Consello de Goberno o día 30 de xuño de 2011 e polo Real decreto 1791/2010, do 30 de decembro, polo que se aproba o Estatuto do estudante universitario.

### **25.3. Solicitud e resolución**

A solicitude de recoñecemento de créditos presentarase e resolverase nos prazos establecidos no punto 1 do **Anexo I**.

Excepcionalmente, o alumnado que teña pendente a consecución de recoñecemento de créditos, poderá formalizar de forma presencial a matrícula no TFM, que quedará condicionada ao devandito recoñecemento. Con esta finalidade, o recoñecemento de créditos poderá efectuarse fóra dos prazos ordinarios.

No caso de que calquera dos procedementos enunciados alterase a matrícula realizada con anterioridade polos alumnos solicitantes de bolsa, o alumno terá que deixar constancia por escrito, na administración do centro pertinente, conforme foi advertido de que con carácter previo deberá dirixirse á Sección de Bolsas, polas consecuencias que se poidan producir por causa da modificación que solicita.

Posteriormente, as unidades administrativas remitiranlle unha copia da resolución ditada á unidade competente na tramitación dos procedementos de solicitude de bolsas.

### **25.4. Pagamento de prezos públicos por recoñecementos ou transferencias**

Pola realización destes trámites pagaránse, de ser o caso, os prezos que para cada curso académico sexan fixados polo correspondente decreto da Xunta de Galicia e pola Instrución 3/2014, da Vicerreitoría de Títulos, Calidade e Novas Tecnoloxías, pola que se establecen os criterios sobre a gratuidade dos recoñecementos de créditos.

Os prezos faranse efectivos nos centros en que o alumnado vaia iniciar ou continuar os seus estudos, seguindo o procedemento vixente en materia de pagamento de prezos por servizos académicos universitarios, nun prazo máximo de 10 días naturais que contarán a partir da recepción da notificación da correspondente resolución.

A efectividade destes trámites queda condicionada a que se efectúe o pagamento dos prezos correspondentes.

A resolución de calquera destes trámites só produce efecto no propio curso académico en que se dita (os modelos figuran nos **Anexos VII e VIII**).



## Artigo 26. Simultaneidade

**26.1.** Os alumnos que desexen simultanear estudos deste nivel no mesmo ano académico deberán facer a súa solicitude ante o/a presidente/a de cada comisión, a través das administracións dos centros en que se impartan os correspondentes másteres. Cumprirá que sinalen cal é o seu título preferente entre os que pretenden simultanear.

A resolución das solicitudes de simultaneidade de estudos delégase, ao abeiro do disposto no artigo 2.1 da Orde do Ministerio de Educación e Cultura de 28 de setembro de 1984, nos decanos ou directores dos centros (os modelos pertinentes figuran nos **Anexos V e VI**).

**26.2.** Non se poderán simultanear dúas titulacións agás se ao rematar o proceso de admisión resultasen prazas vacantes na segunda titulación ou titulación non preferente.

En calquera caso, a concesión da simultaneidade será determinada pola media do expediente académico do título que dá acceso ao máster.

**26.3.** O alumnado que posúa a condición de solicitante de simultaneidade de estudos **aprazará** o pagamento do prezo da matrícula ao presentar o xustificante que acredite a solicitude da simultaneidade de estudos, até se ditar a súa resolución positiva.

## Artigo 27. Prezos de matrícula

Os estudos conducentes á obtención dun título oficial de máster xerarán os prezos públicos que determine a Comunidade Autónoma de Galicia. A xestión destes prezos realizarase de acordo coas normas de aplicación que no ámbito das súas competencias poida ditar esta universidade.

As disposicións previstas no artigo 10 para as titulacións de grao serán de aplicación supletoria, de ser necesario, ás ensinanzas oficiais de máster.

## TÍTULO VI. PROCEDEMENTO DE MATRÍCULA E DOCUMENTACIÓN PARA ENTREGAR

### Artigo 28. Matrícula pola internet. Normas xerais

Os alumnos de estudos oficiais de calquera nivel da UDC matricularanse pola internet, agás naqueles casos que esta norma sinala de forma expresa.

#### 28.1. Procedemento

Os alumnos de estudos oficiais da UDC matricularanse a través das ligazóns habilitadas para este fin na páxina web desta universidade, seguindo as pautas que correspondan.

Se é preciso, os alumnos poderán facer a súa matrícula pola internet nos distintos centros da UDC. Para estes efectos, terán á súa disposición o equipamento informático necesario e poderán solicitar toda a información que lles cumpra. De optaren por realizar a súa matrícula de forma presencial a través da administración dos centros, aboarán a taxa correspondente por esa xestión.

Despois de confirmar a súa matrícula, o estudantado que elixa facer o seu pagamento en efectivo imprimirá unha copia para entregar na entidade financeira en que o realice.

#### 28.2. Documentación

Coa solicitude de matrícula deberá entregarse a documentación que corresponda na administración do centro en que se imparta a titulación que se vai cursar, de acordo co sinalado no articulado desta normativa e no seu **Anexo II**, nun prazo máximo de 10 días naturais que contarán a partir da data da solicitude de matrícula.

Se non se entrega esta documentación no prazo sinalado, entenderase que o/a alumno/a desiste da súa solicitude de matrícula, e esta arquivarase de acordo co disposto no artigo 10.3 desta normativa.

### Artigo 29. Efectos da matrícula

A matrícula levada a cabo de conformidade coas normas apuntadas comportará para o alumnado o seguinte:

a) O dereito e o deber de asistencia ás clases teóricas e ás prácticas das materias en que así se establece, así como a realización dos traballos complementarios adecuados e precisos para a avaliación da materia segundo a súa guía docente.

Quedan exceptuadas desta obriga de asistencia as materias de cursos extinguidos, así como as optativas que se ofrecesen no curso anterior das que os alumnos estivesen matriculados pero que non superasen, e que non se impartan no curso 2019/2020. Xa que logo, a matrícula nestas materias é sen dereito a docencia.

b) O dereito a ser cualificado nas oportunidades que regulamentariamente se efectúen durante o curso académico, sen prexuízo das incompatibilidades académicas derivadas dos programas de estudos.

### Artigo 30. Anulación de oficio

A detección de calquera falsidade nos datos que consten na solicitude presentada, ou na documentación que se xunte, suporá a exclusión automática do procedemento. Non terá efecto a adxudicación de praza se a falsidade se detecta despois de publicarse as listas correspondentes, sen prexuízo das demais responsabilidades en que poida incurrir a persoa solicitante.

### Artigo 31. Seguros

O pagamento do seguro escolar (INSS) será obrigatorio para os alumnos españois, para os alumnos nacionais dos estados membros do EEES e para o resto dos estudantes estranxeiros residentes que formalicen a súa matrícula en estudos oficiais e sexan **menores de 28 anos**.

Os estudantes **maiores de 28 anos, o alumnado estranxeiro non residente e todo o estudiantado entrante de mobilidade internacional**, teñen a obriga de subscribir o seguro que contrate a UDC (que se indica no proceso de matrícula). Porén, aqueles alumnos que pertencen a programas específicos que impliquen a obriga de contratar outro seguro coas coberturas mínimas esixibles non terán que aboalo.

Habida conta de que a matrícula dos alumnos entrantes de mobilidade internacional se formaliza presencialmente na Oficina de Relacións Internacionais, o persoal desta oficina encargado da matrícula debe suprimir na propia aplicación informática a obriga de efectuar este pagamento nos casos anteditos, tras ser informada a persoa interesada de que, en calquera caso, pode manifestar a súa vontade de subscribir tal seguro.

Os estudantes españois, os nacionais dos estados membros do EEES e o resto dos estudantes estranxeiros residentes que formalicen a súa matrícula en estudos oficiais, sempre que sexan **menores de 28 anos**, poderán subscribir voluntariamente un seguro idéntico ao anterior como complemento do seguro escolar.

### Artigo 32. Execución desta normativa

A programación e o desenvolvemento normal das actividades docentes, así como o cumprimento dos prazos que se indican, vinculan do mesmo xeito tanto o alumnado destinatario como a propia UDC a través de todos os seus órganos, polo que se solicita o cumprimento rigoroso de todas as prescricións contidas nesta normativa.

### Artigo 33. Resolución das reclamacións e dos recursos

As resolucións reitorais que atendan as reclamacións ou os recursos interpostos polo alumnado desta universidade, en materias que se formulen sobre a matrícula do curso académico 2019/2020, ditaranse

ao abeiro do contido nesta resolución, sen prexuízo das disposicións legais e regulamentarias que sexan de aplicación en cada caso.

### **Artigo 34. Desenvolvemento da normativa**

Ao abeiro do disposto no artigo 8 da Resolución do 12 de xaneiro de 2016, pola que se establece a estrutura orgánica dos servizos centrais da UDC e as competencias dos seus órganos directivos, facúltase a Vicerreitoría de Oferta Académica e Innovación Docente para ditar as resolucións e as instrucións precisas que aclaren, interpreten ou desenvolvan esta normativa académica, á que se lle dará a publicidade necesaria nos taboleiros de anuncios dos centros universitarios, na páxina web da UDC e naqueles outros lugares ou medios que se consideren pertinentes.

Julio Abalde Alonso

Reitor

**Anexo I: prazos e calendarios**

<b>1. Prazos de admisión e matrícula nas titulacións de grao</b>		
<b>ADMISIÓN</b>		
Alumnado de 1.º curso por primeira vez en titulacións <b>con límite</b> de prazas	Preinscrición	Segundo os prazos da CIUG: <a href="http://ciug.gal/preins.php">http://ciug.gal/preins.php</a>
<b>MATRÍCULA</b>		
Alumnado de 1.º curso por primeira vez en titulacións <b>con límite</b> de prazas	Matrícula	Segundo os prazos da CIUG: 1.º) 17 - 19 de xullo de 2019 2.º) 23 - 26 de xullo de 2019 3.º) 31 de xullo - 2 de agosto de 2019 4.º) 21 - 23 de agosto de 2019 5.º) 28 - 30 de agosto de 2019 6.º) 4 - 6 de setembro de 2019 7.º) 11 - 13 de setembro de 2019 8.º) 4 - 8 de outubro de 2019
Alumnado de continuación de estudos	Matrícula	Do <b>1</b> ao <b>20</b> de agosto 2019 (*)
Ampliación da matrícula e/ou substitución de materias do 1.º cuadrimestre ou anuais para o alumnado de continuación de estudos e de 1.º/1.ª vez (a tempo parcial)	Matrícula	Ata o <b>20</b> de setembro de 2019
Ampliación e ou substitución da matrícula en materias do 2.º cuadrimestre e/ou anuais para o alumnado de continuación de estudos e de 1.º/1.ª vez (a tempo parcial)	Matrícula	Ata o <b>19</b> de febreiro de 2020
Alumnado da anterior ordenación académica que se incorpora ás ensinanzas do grao que proveñan da súa titulación	Matrícula	Do <b>1</b> de agosto ata o <b>20</b> de setembro de 2019

(\*) Disporán dun prazo extraordinario de 10 días, a contar desde o peche de actas, da resolución do Tribunal de Compensación e da recepción de cualificacións, respectivamente, aqueles alumnos que se atopen nos casos que se indican a continuación:

- Alumnado pendente da cualificación do TFG, defendido en setembro.
- Alumnado pendente da resolución da súa solicitude de avaliación por compensación, ditada transcorrido o prazo de matrícula.
- Alumnado pendente da recepción das cualificacións obtidas en estadias de mobilidade.

Alumnado que se adapta dun título de grao en extinción ao título de grao que o substitúe	Solicitude	Do 12/06 ao 19/08 de 2019
	Resolución	Do 3 ao 11 de setembro de 2019
	Matrícula	Do 12 ao 18 de setembro de 2019
Solicitude de recoñecemento e de transferencia de créditos formulada polo alumnado	Solicitude	Xunto coa matrícula ordinaria
	Resolución	Antes do 11 de outubro de 2019
Solicitude de recoñecemento de créditos formulada por alumnos ao abeiro do RD 1618/2011, do 14 de novembro	Solicitude	Xunto coa matrícula ordinaria e ata transcorridos 15 días desde o inicio oficial do curso
	Resolución	1 mes a partir do día seguinte ao día de entrada da súa solicitude.
Solicitude de recoñecemento de créditos por superación de prácticas extracurriculares	Solicitude	Coa finalización das prácticas realizadas
	Resolución	Sempre antes da data da defensa do TFG, que se realizará sempre antes do 28/09/2020, data límite da sinatura e entrega de actas aprobada polo Consello de Goberno
Alumnado que solicita o cambio de universidade e/ou titulación	Solicitude	No mes de xullo de 2019 nas datas sinaladas por cada Facultade/Escola/UXAI
	Resolución e matrícula	Antes do 4 de setembro de 2019
Alumnado con estudos estranxeiros parciais ou con títulos sen homologación que solicita o cambio de universidade e/ou titulación	Solicitude	No mes de xullo de 2019 nas datas sinaladas por cada Facultade/Escola/UXAI
	Resolución e matrícula	Antes do 4 de setembro de 2019
Desistencia total de matrícula	Solicitude	Ata o 22 de novembro de 2019

**2. Prazos de admisión e matrícula para o alumnado titulado que accede ao curso ponte ou a outros cursos de grao**

Preinscrición	Preinscrición	Do <b>18</b> ao <b>21</b> de xuño de 2019
	Listaxe provisional de persoas admitidas	<b>19</b> de xullo de 2019
	Reclamacións á listaxe provisional de persoas admitidas	Do <b>22</b> ao <b>26</b> de xullo de 2019
	Listaxe definitiva de persoas admitidas	<b>2</b> de agosto de 2019
Matrícula	1.º prazo de matrícula	Do <b>6</b> ao <b>20</b> de agosto de 2019
	Publicación das prazas vacantes	<b>22</b> de agosto de 2019
	2.º prazo de matrícula (Nas prazas vacantes seguindo a listaxe de espera)	Do <b>23</b> ao <b>27</b> de agosto de 2019

**3. Calendario de preinscrición e matrícula nos estudos oficiais de máster**

**PRAZOS EXCEPCIONAIS:**

<b>PRAZOS DE PREINSCRICIÓN PARA O ALUMNADO CON TÍTULOS UNIVERSITARIOS DE SISTEMAS EDUCATIVOS ALLEOS AO EES NON HOMOLOGADOS OU NON DECLARADOS EQUIVALENTES POLO MINISTERIO COMPETENTE</b>	
16 de xaneiro – 30 de abril de 2019	Preinscrición
8-10 de maio de 2019	Publicación lista provisional
10-20 de maio de 2019	Reclamacións
24-27 de maio de 2019	Publicación lista definitiva
Primeiro prazo xeral (a determinar)	Matrícula

**PRAZOS XERAIS:**

<b>1º PRAZO (abril-agosto de 2019)</b>	
1 abril – 10 de xullo	Preinscrición
15 de xullo	Publicación lista provisional
15 – 17 de xullo	Reclamacións
22 de xullo	Publicación lista definitiva
26 de xullo – 2 de agosto	Matrícula
<b>2º PRAZO (agosto-setembro de 2019)</b>	
19 -31 de agosto	Preinscrición
4 de setembro	Publicación lista provisional
4 - 6 de setembro	Reclamacións
10 de setembro	Publicación lista definitiva
13 – 20 de setembro	Matrícula
<b>3º PRAZO (setembro-outubro de 2019)</b>	
26 de setembro – 1 de outubro	Preinscrición
4 de outubro	Publicación lista provisional
4 – 7 de outubro	Reclamacións
8 de outubro	Publicación lista definitiva
11 - 18 outubro	Matrícula



<b>MATRÍCULA DO ALUMNADO DE CONTINUACIÓN DE ESTUDOS:</b>	
Matrícula	Do <b>1</b> ao <b>20</b> de agosto 2019 (*)

<b>RECOÑECEMENTO E TRANSFERENCIA DE CRÉDITOS</b>		
Solicitude de recoñecemento e de transferencia de créditos formulada polo alumnado	Solicitude	Xunto coa matrícula ordinaria
	Resolución	Antes do <b>11</b> de outubro de 2019
Solicitude de recoñecemento de créditos por superación de prácticas extracurriculares formulada polo alumnado	Solicitude	Coa finalización das prácticas realizadas
	Resolución	Sempre antes da data da defensa do TFM, que se realizará sempre antes do 25/09/2019, data límite da sinatura e entrega de actas aprobada polo Consello de Goberno

<b>MODIFICACIÓN DE MATRÍCULA</b>		
Ampliación da matrícula e/ou substitución de materias do 1.º cuatrimestre ou anuais para o alumnado de continuación de estudos e de 1.º/1.ª vez (a tempo parcial)	Matrícula	Ata o <b>20</b> de setembro de 2019
Ampliación e ou substitución da matrícula en materias do 2.º cuatrimestre e/ou anuais para o alumnado de continuación de estudos e de 1.º/1.ª vez (a tempo parcial)	Matrícula	Até o <b>19</b> de febreiro de 2020
Desistencia total de matrícula	Solicitude	Ata o <b>22</b> de novembro de 2019

(\*) Disporán dun prazo extraordinario de 10 días, a contar desde o peche de actas, da resolución do Tribunal de Compensación e da recepción de cualificacións, respectivamente, aqueles alumnos que se atopen nos casos que se indican a continuación:

- Alumnado pendente da cualificación do TFM, defendido en setembro.
- Alumnado pendente da resolución da súa solicitude de avaliación por compensación, ditada transcorrido o prazo de matrícula.
- Alumnado pendente da recepción das cualificacións obtidas en estadias de mobilidade.

#### **PRAZOS CURSO 2020/2021:**

<b>PRAZOS DE PREINSCRIPCIÓN PARA O ALUMNADO CON TÍTULOS UNIVERSITARIOS DE SISTEMAS EDUCATIVOS ALLEOS AO EES NON HOMOLOGADOS OU NON DECLARADOS EQUIVALENTES POLO MINISTERIO COMPETENTE</b>	
13 de xaneiro – 30 de abril de 2020	Preinscripción
8 de maio de 2020	Publicación lista provisional
8 -18 de maio de 2020	Reclamacións
25 de maio de 2020	Publicación lista definitiva
Primeiro prazo xeral (a determinar)	Matrícula

## 4. PREINSCRIPCIÓN E MATRÍCULA NOS MÁSTERES UNIVERSITARIOS PARA O CURSO ACADÉMICO 2019/2020

(Consello de Goberno do 27 de febreiro de 2019)

O procedemento de preinscrición e matrícula nos másteres universitarios da Universidade da Coruña realizarase en todo caso de acordo cos trámites establecidos na Normativa de Xestión Académica para o curso académico 2019/2020.

Os solicitantes acreditarán o cumprimento dos requisitos de acceso e admisión para cada máster, nos prazos sinalados para realizar a preinscrición. Sen prexuízo de que neses prazos poidan entregar presencialmente, mediante correo electrónico ou correo postal na administración do centro, copias simples, finalmente deberán presentar a documentación na forma indicada neste documento.

### I.- ACCESO DO ALUMNADO CON TÍTULOS UNIVERSITARIOS DE SISTEMAS EDUCATIVOS DO ESPAZO EUROPEO DE EDUCACIÓN SUPERIOR (EEES)

Para acceder ás ensinanzas oficiais de máster será necesario estar en posesión dun título universitario oficial español ou outro expedido por unha institución de educación superior do Espazo Europeo de Educación Superior (<http://www.eees.es/es/eees-paises-participantes>) que faculta no país expedidor do título para o acceso a ensinanzas de máster.

A preinscrición realizarase a través do formulario en liña da web da UDC (<https://matricula.udc.es/preinsMaster/identif.asp>). A documentación necesaria deberá remitirse ou entregarse persoalmente na administración do centro.

Unha vez publicada a relación definitiva de admitidos, estes matricularanse nos prazos establecidos a través da secretaría virtual do estudiantado da UDC. A non formalización da matrícula no período establecido suporá a perda da correspondente praza, sendo necesario realizar unha nova preinscrición.

### II.- ACCESO DO ALUMNADO CON TÍTULOS UNIVERSITARIOS DE SISTEMAS EDUCATIVOS ALLEOS AO EEES NON HOMOLOGADOS OU NON DECLARADOS EQUIVALENTES POLO MINISTERIO COMPETENTE

Os titulados conforme sistemas educativos alleos ao Espazo Europeo de Educación Superior (EEES) poderán acceder ás ensinanzas oficiais de máster sen necesidade da homologación dos seus títulos, logo de que a UDC comprobe que estes acreditan un nivel de formación equivalente aos correspondentes títulos universitarios oficiais españois e que facultan no país expedidor do título para o acceso a ensinanzas de posgrao. O acceso por esta vía non implicará, en ningún caso, a homologación do título previo do que estea en posesión a persoa interesada, nin o seu recoñecemento para outros efectos que o de cursar as ensinanzas de máster.

A preinscrición realizarase a través do formulario en liña da web da UDC (<https://matricula.udc.es/preinsMaster/identif.asp>). A documentación necesaria deberá remitirse ou entregarse persoalmente na administración do centro, debendo presentar unha "solicitud de equivalencia de estudos estranxeiros". No caso de resultar admitido, o alumnado poderá matricularse sen esperar a resolución de equivalencia pero a súa matrícula quedará condicionada a que esta sexa favorable. No caso contrario, procederase de acordo co disposto no apartado V e) desta norma.

A solicitud de equivalencia aos correspondentes títulos españois deberá dirixirse ao reitor da universidade e presentarse na administración do centro no que se solicita a preinscrición ao máster. A comisión académica do máster emitirá un informe sobre a adecuación académica dos estudos cursados e, tras considerar que acredita un nivel de formación equivalente ao de grao, informará sobre a posibilidade de acceso aos estudos do máster correspondente. Este informe remitirase ao Servizo de Organización Académica xunto coa documentación presentada e que se indica no apartado V c).

### III.- RESERVA DE PRAZAS A ESTUDANTES CON DISCAPACIDADE

Ao abeiro do acordo adoptado polo Consello de Goberno do 29/03/2017, establécese unha reserva do 5% das prazas ofertadas para estudos de máster universitario para os estudantes que teñan recoñecido un grao de discapacidade igual ou superior ao 33%, así como para aqueles estudantes con necesidades educativas especiais permanentes asociadas ás condicións persoais de discapacidade, que durante a súa escolarización anterior precisaran de recursos e apoio para a súa plena normalización educativa.

Os estudantes deberán acreditar esa condición no momento de efectuar a preinscrición correspondente, mediante un certificado oficial de cualificación e recoñecemento do grao de discapacidade, expedido polo órgano competente de cada Comunidade Autónoma.

A ordenación e adxudicación das prazas reservadas realizarase atendendo aos criterios de valoración que sexan de aplicación a cada máster.

As prazas obxecto de reserva destes estudantes que queden sen cubrir serán acumuladas ás ofertadas pola Universidade polo réxime xeral en cada unha das convocatorias.

### IV.- RESERVA DE PRAZAS PARA OS DEPORTISTAS DE ALTO NIVEL E ALTO RENDEMENTO.

De acordo co disposto no artigo 9 do RD 971/2007, de 13 de xullo, sobre deportistas de alto nivel e alto rendemento, reservarase a porcentaxe que estableza a Xunta de Galicia nas prazas ofertadas para estudos de máster universitario, para quen acredite a condición de deportista de alto nivel e reúna os requisitos académicos correspondentes.

### V.- DOCUMENTACIÓN ESIXIDA

No relativo á presentación da documentación esixida, haberá que distinguir dentro do EEES, aos países membros da Unión Europea ou signatarios do Acordo sobre o Espazo Económico Europeo que non se lles esixe ningún tipo de legalización (relación destes países no anexo I), dos restantes países, que si deberán presentar a documentación legalizada.

#### a) ALUMNADO CON TÍTULOS UNIVERSITARIOS DE SISTEMAS EDUCATIVOS DO EEES DE PAÍSES MEMBROS DA UNIÓN EUROPEA OU SIGNATARIOS DO ACORDO SOBRE O ESPAZO ECONÓMICO EUROPEO

Todas as solicitudes formuladas por persoas con títulos académicos esixibles deberán ir acompañadas, sen prexuízo do que estableza a Normativa de Xestión Académica para o curso 2019/2020, da seguinte **documentación**:

1. DNI, NIE ou Pasaporte (con foto)
2. Título que dá acceso ao máster
3. Certificación académica e a nota media do expediente calculada segundo o sistema establecido no RD 1125/2003, de 5 de setembro

Todos os documentos achegados á solicitude, serán copias cotexadas, polo que deberán presentar orixinais e copias destes.

A comisión de cada máster poderá requirir, de o considerar preciso, a entrega doutra documentación.

#### b) ALUMNADO CON TÍTULOS UNIVERSITARIOS DE SISTEMAS EDUCATIVOS DO EEES DE PAÍSES QUE NON SON MEMBROS DA UNIÓN EUROPEA OU SIGNATARIOS DO ACORDO SOBRE O ESPAZO ECONÓMICO EUROPEO

As solicitudes formuladas por persoas con títulos académicos esixibles deberán ir acompañadas, sen prexuízo do que estableza a Normativa de Xestión Académica para o curso 2019/2020, da seguinte **documentación**:

1. DNI, NIE ou Pasaporte (con foto)

2. Título que dá acceso ao máster
3. Certificación académica na que conste:
  - Duración oficial en cursos académicos/semestres/etc.
  - Materias cursadas
  - Carga horaria/créditos de cada materia (1 crédito = 25 horas)

E a nota media do expediente calculada segundo o sistema establecido no RD 1125/2003, de 5 de setembro.

Todos os documentos achegados á solicitude, serán copias cotexadas, polo que deberán presentar orixinais e copias destes.

A comisión de cada máster poderá requirir, de o considerar preciso, a entrega doutra documentación.

### **c) ALUMNADO CON TÍTULOS UNIVERSITARIOS DE SISTEMAS EDUCATIVOS ALLEOS AO EEES NON HOMOLOGADOS OU NON DECLARADOS EQUIVALENTES POLO MINISTERIO COMPETENTE**

Todas as solicitudes formuladas por persoas con títulos académicos esixibles deberán ir acompañadas, sen prexuízo do que estableza a Normativa de Xestión Académica para o curso 2019/2020, da seguinte **documentación**:

1. DNI, NIE ou Pasaporte (con foto)
2. Solicitude de equivalencia de estudos estranxeiros aos estudos oficiais españois
3. Xustificante de teren realizado o pagamento do prezo público de solicitude de equivalencia de estudos estranxeiros
4. Título que dá acceso ao máster
5. Certificado expedido por autoridade competente que exprese que o título do que estea en posesión o interesado facilita, no país expedidor deste, para o acceso a ensinanza de máster ou de posgrao; excepcionalmente, e de forma motivada polo interesado, poderase substituír por unha declaración responsable, de acordo co disposto no artigo 69.1 da LPAC e segundo o modelo publicado no Anexo correspondente da Normativa de xestión académica.
6. Certificación académica na que conste:
  - Duración oficial en cursos académicos/semestres/etc.
  - Materias cursadas
  - Carga horaria/créditos de cada materia (1 crédito = 25 horas)

E a nota media do expediente calculada segundo o sistema establecido no RD 1125/2003, de 5 de setembro.

Todos os documentos achegados á solicitude, serán copias cotexadas, polo que deberán presentar orixinais e copias destes.

A comisión de cada máster poderá requirir, de o considerar preciso, a entrega doutra documentación.

### **d) REQUISITOS QUE DEBEN CUMPRIR OS DOCUMENTOS MENCIONADOS NO APARTADOS b) E c)**

1. Deberán ser oficiais e expedidos polas autoridades competentes para isto.
2. O título que dá acceso ao máster e a certificación académica deberán presentarse legalizados, por vía diplomática ou, no seu caso, mediante a Apostila da Haia.
3. No seu caso, deberán ir acompañados pola correspondente tradución oficial a calquera das dúas linguas oficiais na UDC, que deberá facer un Tradutor Xurado, español ou autorizado no país de orixe polo Consulado Español (<http://www.exteriores.gob.es/Portal/es/ServiciosAlCiudadano/Paginas/Traductoresas---Int%C3%A9rpretes-Juradosas.aspx>). Non será precisa a tradución oficial cando se trate de

documentos redactados en lingua inglesa, francesa, portuguesa ou italiana. Nestes casos bastará a tradución que realice a propia persoa interesada, prevalecendo, se houber discrepancia a tradución que realice a UDC.

No suposto de documentación traducida, deberán achegar copias de:

- . Documentos orixinais sen traducir (sen selo do tradutor xurado)
- . Documentos orixinais traducidos (con selo do tradutor xurado)

4. Todos os documentos achegados á solicitude, serán copias cotexadas, polo que deberán presentar orixinais e copias destes.

### **e) LEGALIZACIÓN DE DOCUMENTOS**

Os documentos expedidos no estranxeiro (títulos e certificados académicos) deberán presentarse polos interesados legalizados, por vía diplomática ou, no seu caso, mediante a Apostila da Haia.

Para legalizar os documentos por vía diplomática deben ser presentados en:

- 1º Ministerio de Educación do país onde se expediron os documentos
- 2º Ministerio de Asuntos Exteriores do país onde se expediron os documentos
- 3º Representación diplomática o consular de España nese país

Para legalización de documentos expedidos por países asinantes do Convenio da Haia (ver relación destes países no anexo II), deben ser presentados:

- 1º Ministerio de Educación do país onde se expediron os documentos
- 2º Ministerio de Asuntos Exteriores do país onde se expediron os documentos

Non obstante, de acordo co disposto no artigo 28.3 da Lei 39/2015, do 1 de outubro, do procedemento administrativo común das Administracións Públicas, cando no momento da formalización da matrícula a persoa interesada non poida achegar a documentación requirida debidamente legalizada ou apostilada, bastará con que achegue unha copia simple do documento de que se tratar, acompañada dunha copia da solicitude da correspondente legalización ou apostila. En todo caso, se antes do inicio das datas de avaliación das materias do primeiro cuadrimestre o interesado non presenta os documentos debidamente legalizados ou apostilados, a matrícula quedará anulada, por resolución reitoral a proposta do decano/director do centro no que se imparta o título, sen dereito a devolución das taxas e prezos públicos aboados.

Sen prexuízo da obrigada solicitude de preinscrición en cada título, a documentación requirida é válida para as distintas titulacións que se impartan no mesmo centro docente, polo que, no caso de solicitarse a preinscrición en máis dun máster, o solicitante advertirá desta circunstancia á administración do centro e realizará unha soa entrega.

### **VI.- PRAZOS DE PREINSCRICIÓN PARA O ALUMNADO CON TÍTULOS UNIVERSITARIOS DE SISTEMAS EDUCATIVOS DO ESPAZO EUROPEO DE EDUCACIÓN SUPERIOR (EEES)**

Establécense distintos prazos de preinscrición e matrícula nos másteres universitarios da UDC. No primeiro prazo ofertaranse todas as prazas e, nos sucesivos prazos, ofertaranse as prazas vacantes existentes do total de prazas ofertadas en cada máster. Os solicitantes preinscritos que non fosen chamados a matrícula constituirán unha lista de agarda que será utilizada en caso de que se produza unha vacante, antes de que comece o novo prazo de preinscrición.

Os integrantes da lista de agarda que non foren chamados a matrícula incorporaranse na lista provisional do segundo prazo sen necesidade de facer unha nova inscrición. Estas solicitudes, xunto coas novas do segundo prazo, serán baremadas realizándose unha nova ordenación para asignación das prazas vacantes.

Nos seguintes prazos procederase seguindo os mesmos trámites do prazo anterior.



<b>1º PRAZO (abril-agosto de 2019)</b>	
1 abril – 10 de xullo	Preinscrición
15 de xullo	Publicación lista provisional
15 – 17 de xullo	Reclamacións
22 de xullo	Publicación lista definitiva
26 de xullo – 2 de agosto	Matricula
<b>2º PRAZO (agosto-setembro de 2019)</b>	
19 -31 de agosto	Preinscrición
4 de setembro	Publicación lista provisional
4 - 6 de setembro	Reclamacións
10 de setembro	Publicación lista definitiva
13 – 20 de setembro	Matricula
<b>3º PRAZO (setembro-outubro de 2019)</b>	
26 de setembro – 1 de outubro	Preinscrición
4 de outubro	Publicación lista provisional
4 – 7 de outubro	Reclamacións
8 de outubro	Publicación lista definitiva
11 - 18 outubro	Matricula

## VII.- PRAZOS DE PREINSCRICIÓN PARA O ALUMNADO CON TÍTULOS UNIVERSITARIOS DE SISTEMAS EDUCATIVOS ALLEOS AO EEES NON HOMOLOGADOS OU NON DECLARADOS EQUIVALENTES POLO MINISTERIO COMPETENTE, PARA O CURSO 2019-2020

O Consello de Goberno do 26 de abril de 2018 estableceu e publicou un prazo extraordinario de preinscrición e matrícula, para os másteres universitarios da UDC, para estudantes de sistemas universitarios alleos ao EEES. En todo caso, o número total de estudantes admitidos non superará o 30% das prazas ofertadas (as prazas desta reserva que non se cubriren acumularanse para os prazos sinalados no apartado VI).

16 de xaneiro – 30 de abril de 2019	Preinscrición
8-10 de maio de 2019	Publicación lista provisional
10-20 de maio de 2019	Reclamacións
24-27 de maio de 2019	Publicación lista definitiva
Primeiro prazo xeral	Matricula

Habida conta de que os estudantes provenientes de sistemas educativos alleos ao EEES poden solicitar a preinscrición nun máster nos prazos xerais previstos no apartado VI, se non o fixeron nos prazos establecidos neste apartado ou se non foron admitidos nestes prazos, as comisións de selección deberán ter en conta o seguinte:

Terán preferencia en todos os prazos sinalados no apartado VI os solicitantes provenientes de sistemas educativos do EEES sobre os solicitantes provenientes de sistemas universitarios alleos ao EEES, toda vez que éstos tiveron os seus propios prazos así como unha porcentaxe de reserva de prazas.

### VIII.- PRAZOS DE PREINSCRIPCIÓN PARA O ALUMNADO CON TÍTULOS UNIVERSITARIOS DE SISTEMAS EDUCATIVOS ALLEOS AO EEES NON HOMOLOGADOS OU NON DECLARADOS EQUIVALENTES POLO MINISTERIO COMPETENTE, PARA O CURSO 2020-2021

Coa finalidade de facilitar a planificación de accións de internacionalización e acceso aos másteres universitarios destes estudantes, os prazos previstos para a vindeira edición, correspondente ao curso 2020/2021, serán os que se indican na seguinte táboa.

O número total de solicitantes admitidos nestes prazos non poderá superar o 30% das prazas ofertadas en cada máster. Estes solicitantes deberán cumprir os requisitos de acceso e de admisión na forma establecida neste documento.

13 de xaneiro – 30 de abril de 2020	Preinscripción
8 de maio de 2020	Publicación lista provisional
8 -18 de maio de 2020	Reclamacións
25 de maio de 2020	Publicación lista definitiva
Primeiro prazo xeral (a determinar)	Matrícula

#### Anexo I Países participantes do EEES membros da Unión Europea ou signatarios do Acordo sobre o Espazo Económico Europeo

ALEMANIA	ESLOVENIA	IRLANDA	PAÍSES BAJOS	SUECIA
AUSTRIA	ESPAÑA	ISLANDIA	POLONIA	SUIZA (por acordo bilateral coa U.E.)
BÉLGICA	ESTONIA	ITALIA	PORTUGAL	
BULGARIA	FINLANDIA	LETONIA	REINO UNIDO	
CHIPRE	FRANCIA	LIECHTENSTEIN	REPÚBLICA CHECA	
CROACIA	GRECIA	LUXEMBURGO	REPÚBLICA ESLOVACA	
DINAMARCA	HUNGRÍA	MALTA	RUMANÍA	

**Anexo II Países asinantes do Convenio da Haia**

ALBANIA	CHILE	HONG-KONG	MÉXICO	SAMOA
ALEMANIA	CHIPRE	HUNGRÍA	MOLDAVIA	SAN CRISTOBAL Y NIEVES
ANDORRA	COLOMBIA	INDIA	MÓNACO	SAN MARINO
ANTIGUA Y BARBUDA	COOK, ISLAS	IRLANDA	MONGOLIA	SAN VICENTE Y LAS GRANADINAS
ARGENTINA	COREA	ISLANDIA	MONTENEGRO	SANTA LUCÍA
ARMENIA	COSTA RICA	ISRAEL	NAMIBIA	SANTO TOMÉ Y PRÍNCIPE
AUSTRALIA	CROACIA	ITALIA	NICARAGUA	SERBIA
AUSTRIA	DINAMARCA	JAPÓN	NIUE, ISLA	SEYCHELLES, ISLAS
AZERBAIYAN	DOMINICA	KAZAJSTÁN	NORUEGA	SUDÁFRICA
BAHAMAS	ECUADOR	KIRGUISTÁN	NUEVA ZELANDA	SUECIA
BAHREIN	EE.UU.	LESOTHO	OMÁN	SUIZA
BARBADOS	EL SALVADOR	LETONIA	PAÍSES BAJOS	SURINAME
BELARUS	ESLOVENIA	LIBERIA	PANAMÁ	SWAZILANDIA
BÉLGICA	ESPAÑA	LIECHTENSTEIN	PARAGUAY	TAYIKISTAN
BELICE	ESTONIA	LITUANIA	PERÚ	TONGA
BOLIVIA	FIDJI	LUXEMBURGO	POLONIA	TRINIDAD Y TOBAGO
BOSNIA-HERZEGOVINA	FINLANDIA	MACAO	PORTUGAL	TUNEZ
BOTSWANA	FRANCIA	MACEDONIA	REINO UNIDO	TURQUÍA
BRASIL	GEORGIA	MALAWI	REP. DOMINICANA	UCRANIA
BRUNEI	GRANADA	MALTA	REPÚBLICA CHECA	URUGUAY
BULGARIA	GRECIA	MARRUECOS	REPÚBLICA ESLOVACA	UZBEKISTÁN
BURUNDI	GUATEMALA	MARSHALL, ISLAS	RUMANIA	VANUATÚ
CABO VERDE	HONDURAS	MAURICIO, ISLA	RUSIA, FEDERACIÓN DE	VENEZUELA

## 5. Calendarios académicos para o curso 2019/2020

Aprobados polo Consello de Goberno o 30 de abril de 2019. Poden consultarse no enderezo web: [http://www.udc.es/ensino/calendario\\_academico/](http://www.udc.es/ensino/calendario_academico/)

### 1. CURSO ACADÉMICO

O curso académico 2019/2020 comprenderá desde o 9 de setembro de 2019 ata o 31 de agosto de 2020. Abarcará dous períodos lectivos que se organizan en dous cuadrimestres, conforme se indica no apartado 2 deste calendario. Non será lectivo o mes de agosto, nin os días festivos, nin os períodos sinalados neste calendario para a avaliación.

Consideraranse alumnos do curso académico 2019/2020 aqueles que deban ser avaliados das Prácticas/TFG/TFM en segunda oportunidade, cuxas actas se asinen e entreguen o 28 de setembro de 2020, conforme se establece neste calendario.

### 2. PERÍODOS LECTIVOS

As actividades académicas docentes comprenden os seguintes períodos lectivos:

**Primeiro cuadrimestre:** desde o 9 de setembro ao 20 de decembro de 2019

**Segundo cuadrimestre:** desde o 28 de xaneiro ao 15 de maio de 2020

Co fin de facilitar a planificación docente dos másteres, e cando non precisen utilizar o período de avaliación, poderán iniciar as súas actividades docentes no mes de outubro e prolongalas ata o 24 de xaneiro. Neste caso o segundo cuadrimestre poderá comezar unha semana máis tarde. Para facer efectiva esta posibilidade os coordinadores dos másteres deberán poñelo en coñecemento do Servizo de Organización Académica.

### 3. AVALIACIÓN

Para a súa avaliación, os/as estudantes de grao e máster terán dereito en cada curso académico a dúas oportunidades e o calendario quedará organizado en catro períodos:

Oportunidades	Datas de avaliación	Data límite de sinatura e entrega de actas
<b>Adianto de oportunidade</b>	Do 25 de novembro ao 13 de decembro de 2019 <sup>1</sup>	20 de decembro de 2019
<b>Materias do primeiro cuadrimestre</b>	Do 8 ao 24 de xaneiro de 2020	7 de febreiro de 2020
	TFG/ TFM, fixadas polos centros	6 de marzo de 2020
<b>Materias do segundo cuadrimestre e anuais</b>	Do 18 de maio ao 8 de xuño de 2020	19 de xuño de 2020
	TFG/ TFM, fixadas polos centros	6 de xullo de 2020
<b>2ª oportunidade</b>	Do 22 de xuño ao 17 xullo de 2020 <sup>2</sup>	24 de xullo de 2020
	Prácticas/ TFG/ TFM, fixadas polos centros	28 de setembro de 2020

<sup>1</sup> As datas de avaliación correspondentes ao “adianto de oportunidade” serán establecidas polos centros só no caso de existiren solicitudes.

<sup>2</sup> Os exames organizaranse de forma que se realicen primeiro aqueles correspondentes ás materias do primeiro cuadrimestre e a continuación os das materias do segundo cuadrimestre e/ou anuais.

A matrícula e defensa do TFG e do TFM realizarase conforme ao disposto nos artigos 1<sup>o</sup>, 2<sup>o</sup> e 3<sup>o</sup> da Normativa reguladora da matrícula e defensa do TFG e TFM aprobada polo Consello de Goberno de 19 de decembro de 2013 e as súas posteriores modificacións.

As actividades académicas docentes e os exames de todos os plans de estudo interromperanse desde o día 21 de decembro de 2019 ata o día 7 de xaneiro de 2020 (ambos os dous incluídos); os días 24 e 25 de febreiro de 2020 e desde o día 6 ao día 13 de abril de 2020 (ambos os dous incluídos). Terá carácter festivo o día 27 de xaneiro de 2020 polo traslado da festividade do Día da Universidade. Así mesmo, posuirán carácter festivo os días das festas oficiais do Estado, da Comunidade Autónoma e das cidades onde estea cada centro, así como o día da festividade de cada un deles.

Coa finalidade de aproveitar ao máximo os días lectivos, sempre que as festividadeas da Universidade coincidan en martes ou en xoves celebraranse o luns ou o venres máis próximo; e se cadrasen en mércores trasladaranse ao venres. As que cadren en sábado, domingo ou festivo celebraranse o día anterior ou o seguinte lectivo.



## Anexo II: documentos

### 1. Documentos necesarios para a solicitude de matrícula ordinaria

Para o alumnado que se matricula por 1ª vez nesta Universidade:

- Fotocopia do DNI
- Documento pertinente segundo o título ou as probas que habiliten o/a alumno/a para os estudos que pretende cursar. Se o curso académico en que o alumno rematou o título ou realizou as probas que o habilitan para acceder aos estudos que pretende cursar non é o inmediatamente anterior ao da súa solicitude, achegará o xustificante do pagamento do traslado da universidade de orixe ou, no seu caso, unha declaración responsable de non estar matriculado en estudos universitarios oficiais anteriormente.

Para todo o alumnado:

- Xustificante, se é o caso, do dereito á exención ou redución dos prezos da matrícula
- Xustificante, no seu caso, da solicitude de bolsa ou acreditación do Ministerio de Educación
- Autorización da domiciliación bancaria do cobro de prezos públicos, no caso de non constar como titular da conta bancaria.

### 2. Documentos que acreditan a gratuidade, a exención ou a redución dos prezos da matrícula en titulacións oficiais

Se é posuidor/a dos beneficios de gratuidade, exención ou redución de prezos públicos por servizos académicos, o/a alumno/a presentará algún dos seguintes documentos:

- a) Para os solicitantes de bolsa: documento que acredite a solicitude de bolsa segundo a que, conforme á correspondente orde do Ministerio de Educación, poderá formalizar a matrícula sen o pagamento previo das taxas.
- b) Para os estudantes que obtivesen a cualificación global de matrícula de honra no 2.º curso do bacharelato ou na FP, ou premio extraordinario no bacharelato: certificación do centro respectivo.
- c) Para os estudantes beneficiarios dos réximes de protección ás familias numerosas xeral e especial: **fotocopia do título de beneficiarios** ou renovación actualizada; en caso de necesidade deberá presentarse o documento orixinal, do que debe deixar constancia o persoal que efectúe a matrícula.
- d) As persoas con discapacidade acreditarán a súa situación mediante a resolución expresa sobre o recoñecemento do grao de discapacidade emitida pola Xunta de Galicia, segundo se establece no artigo 10 do Real decreto 1971/1999, do 23 de decembro (BOE de 26 de xaneiro de 2000), ou emitida pola Seguridade Social segundo os artigos 1, 2 e 4 do RD legislativo 1/2013, do 29 de novembro, e o Real decreto 1414/2006, do 1 de decembro.
- e) A consideración de vítima de acto terrorista quedará acreditada ben mediante o informe preceptivo do Ministerio do Interior, ben mediante o recoñecemento por parte da Administración xeral do Estado de pensión extraordinaria por acto de terrorismo, ou ben por sentenza xudicial firme.
- f) A condición de vítima de violencia de xénero acreditarase por calquera dos seguintes medios:
  1. Certificación da orde de protección ou da medida cautelar, ou testemuño ou copia autenticada polo/a secretario/a xudicial da propia orde de protección ou da medida cautelar.
  2. Sentenza de calquera orde xurisdiccional que declare que a persoa sufriu violencia de xénero.
  3. Certificación dos servizos sociais e/ou sanitarios da Administración pública autonómica ou local.

4. Certificación dos servizos de acollida da Administración pública autonómica ou local.
5. Informe do Ministerio Fiscal que indique a existencia de indicios de violencia.
6. Informe da Inspección de Traballo e Seguridade Social.
7. Calquera outro que se estableza regulamentariamente

Para estes efectos, o documento acreditativo da dita condición deberá ser adoptado ou emitido no prazo dos 24 meses inmediatamente anteriores á data de formalización da matrícula.

- g) Os empregados públicos acreditarán esta circunstancia, no seu caso, mediante a certificación emitida pola universidade pública do sistema universitario de Galicia que corresponda.

### **3. Documentos necesarios para solicitar o cambio de universidade e/ou estudos de alumnos con estudos parciais españois procedentes doutras universidades**

- a) Solicitud
- b) Copia do DNI ou pasaporte
- c) Certificación académica persoal (CAP)
- d) Programa das materias superadas, expedido e selado polo centro correspondente, e plan de estudos que inclúa as materias que se esixen para obter a titulación de orixe.

A falsidade nos datos declarados conforme aos parágrafos anteriores deixará sen efecto a resolución que, de ser o caso, se adoptase no momento en que a UDC teña coñecemento de que non se cumpren os requisitos esixidos, o que se lle comunicará á persoa interesada por correo certificado con xustificante de recepción.

### **4. Documentos para alumnos que proceden de centros da UDC**

Aos alumnos procedentes doutros centros desta universidade, trasladaráselles o seu **certificado de documentación**, que deberá conter a mención expresa dos datos a que se refire o apartado 1 deste anexo. Esta certificación será solicitada de oficio polo centro de destino do/a alumno/a ao centro de procedencia, do que deberá quedar constancia no seu expediente.

No momento da matrícula será suficiente con que o/a alumno/a presente no centro a que accede unha declaración responsable da súa situación académica no centro de procedencia. A falsidade nos datos declarados deixará sen efecto a resolución que, de ser o caso, se adoptase no momento en que a UDC teña coñecemento de que non se cumpren os requisitos esixidos, o que se lle comunicará á persoa interesada por correo certificado con xustificante de recepción.

## 5. Documentos para os alumnos con estudos estranxeiros

5.1. Os alumnos con estudos estranxeiros que soliciten a admisión nos grados da UDC, presentarán ao mesmo tempo a solicitude de validación parcial de estudos acompañada dos seguintes documentos:

- Certificado académico oficial dos estudos universitarios realizados, no que se inclúa o número de materias e créditos superados na universidade de orixe, a carga lectiva e o sistema de cualificacións de procedencia.
- Programa das materias superadas, expedido polo centro correspondente, e plan de estudos que inclúa as materias que se esixen para obter a titulación de orixe que se pretenda validar, selado polo centro de procedencia.
- En caso de que os estudos obxecto de recoñecemento estean concluídos:
  - Declaración responsable de non ter iniciado simultaneamente un procedemento de homologación a un título español.
  - Denegación da homologación do Ministerio de Educación, por causa distinta ás mencionadas no artigo 3.2 do Real decreto 967/2014, en que conste expresamente a posibilidade de validar os estudos parcialmente.
- DNI ou pasaporte

A citada documentación deberá presentarse polas persoas interesadas na administración do centro en que se imparte o grao, da mesma forma que a establecida no apartado V da norma de Preinscrición e matrícula nos másteres universitarios para o curso académico 2019/2020 (aprobada na reunión do Consello de Goberno do 27/02/2019) (**Anexo I punto 4**).

A documentación deberá estar traducida a calquera das dúas linguas oficiais na Universidade da Coruña. Non será precisa a tradución oficial cando se trate de documentos redactados en lingua inglesa, francesa, portuguesa ou italiana. Nestes casos bastará a tradución que realice a propia persoa interesada, prevalecendo, se houber discrepancia a tradución que realice a UDC.

5.2. Os alumnos con estudos estranxeiros que soliciten a preinscrición nos másteres universitarios, deberán achegar a documentación ao abeiro do establecido no apartado V da norma de Preinscrición e matrícula nos másteres universitarios para o curso académico 2019/2020 (aprobada na reunión do Consello de Goberno do 27/02/2019) (**Anexo I punto 4**).

## 6. Documentos para o alumnado que solicite acceso a prácticas ou actividades que impliquen contacto habitual con menores

Certificación do Rexistro Central de Delinquentes Sexuais, en que se indique que o/a interesado/a non ten condena por sentenza firme por ningún delito contra a liberdade e a indemnidade sexual.



**Anexo III**

**MODELO DE DESESTIMACIÓN DE CAMBIO DE UNIVERSIDADE / ESTUDOS**

**Antecedentes**

O día ..... D/D.<sup>a</sup> .....  
presenta na Facultade ou Escola de .....  
unha solicitude de cambio de universidade ou estudos de .....  
..... co obxecto de ser  
admitido/a nos estudos universitarios oficiais de  
..... na UDC.

**Consideracións legais e técnicas**

1. O artigo 29 do Real decreto 412/2014, do 6 de xuño.
2. O artigo ..... da Normativa de xestión académica vixente.
3. O artigo 36 dos Estatutos da UDC, aprobados polo Decreto da Xunta de Galicia 101/2004, do 13 de maio, modificado polo Decreto 194/2007, do 11 de outubro.
4. O/a decano/a ou director/a do centro é competente para resolver a solicitude de acordo co previsto na Normativa de xestión académica vixente.

De acordo co indicado, **RESOLVO:**

**Desestimar** a solicitude formulada por D./D.<sup>a</sup> .....  
polos motivos que a continuación se sinalan:

- Non obter o recoñecemento nun mínimo de 30 créditos
- Presentar a solicitude fóra de prazo
- Outros (*cómpre especificar o motivo*) .....

Contra este acordo, segundo o que dispoñen os artigos 121 e 122 da Lei 39/2015, do 1 de outubro, do procedemento administrativo común das administracións públicas, poderá interpoñer un **recurso de alzada** perante o reitor, no prazo **dun mes**, que contará a partir do día seguinte ao da recepción da notificación, ou calquera outro recurso que se considere oportuno.

..... , ..... de ..... de .....

O/a decano/a ou director/a

.....



**Anexo IV**

**MODELO DE ESTIMACIÓN DE CAMBIO DE UNIVERSIDADE / ESTUDOS**

**Antecedentes**

O día ..... D./D.<sup>a</sup> .....  
presenta na Facultade ou Escola de .....  
unha solicitude de cambio de universidade ou estudos de .....  
..... co obxecto de ser admitido/a nos estudos universitarios oficiais de  
.....  
..... na UDC.

**Consideracións legais e técnicas**

1. O artigo 29 do Real decreto 412/2014, de 6 de xuño.
2. O artigo ..... da Normativa de xestión académica vixente.
3. O artigo 36 dos Estatutos da UDC, aprobados polo Decreto da Xunta de Galicia 101/2004, do 13 de maio, modificado polo Decreto 194/2007, do 11 de outubro.
4. O/a decano/a ou director/a do centro é competente para resolver a solicitude de acordo co previsto na Normativa de xestión académica vixente.

De acordo co indicado, **RESOLVO:**

**Estimar** a solicitude formulada por D./D.<sup>a</sup> .....,  
que deberá pagar os prezos públicos correspondentes no seu centro de orixe e matricularse posteriormente nos prazos que establece esta universidade.

Contra este acordo, segundo o que dispoñen os artigos 121 e 122 da Lei 39/2015, do 1 de outubro, do procedemento administrativo común das administracións públicas, poderá interpoñer un **recurso de alzada** perante o reitor no prazo **dun mes**, que contará a partir do día seguinte ao da recepción da notificación, ou calquera outro recurso que se considere oportuno.

....., ..... de ..... de .....

O/a decano/a ou director/a

.....





**Anexo V**

**MODELO DE DESESTIMACIÓN DE SIMULTANEIDADE DE ESTUDOS**

**Antecedentes**

O día .....D./D.<sup>a</sup> ....., alumno/a da titulación de .....  
..... da Facultade/Escola de .....  
solicita ser admitido/a para simultanear estudos na titulación de .....  
..... da Facultade/Escola de .....  
da UDC.

**Consideracións legais e técnicas**

1. O artigo 2.1 da Orde do MEC de 28 de setembro de 1984, sobre o réxime de simultaneidade de estudos universitarios en distintos centros.
2. O artigo ..... da Normativa de xestión académica vixente.
3. O artigo 36 dos Estatutos da UDC, aprobados polo Decreto da Xunta de Galicia 101/2004, de 13 de maio, modificado polo Decreto 194/2007, do 11 de outubro.
4. O/a decano/a ou director/a do centro é competente para resolver a solicitude de acordo co previsto na Normativa de xestión académica vixente.

De acordo co indicado, **RESOLVO:**

**Desestimar** a solicitude de simultaneidade de estudos formulada por D./D.<sup>a</sup> .....  
..... polos motivos que a continuación se sinalan:

- Non existir vacante na titulación solicitada.
- Non ter superado integramente o primeiro curso ou os créditos necesarios dos que estaba obrigado a formalizar a matrícula no primeiro curso.
- Presentar a solicitude fóra de prazo.
- Outros (*cómpre especificar o motivo*) .....

Contra esta resolución, que esgota a vía administrativa, e segundo o disposto no artigo 122.3 da Lei 39/2015, do 1 de outubro, do procedemento administrativo común das administracións públicas, cabe interpoñer un **recurso contencioso-administrativo** no prazo de **dous meses**, na forma e coas condicións previstas no artigo 46 da Lei 29/1998, do 13 de xullo, reguladora da xurisdición contencioso-administrativa, ou calquera outro recurso que se estime procedente.

....., ..... de ..... de .....

O/a decano/a ou director/a

.....



**Anexo VI**

**MODELO DE ESTIMACIÓN DE SIMULTANEIDADE DE ESTUDOS**

**Antecedentes**

O día .....D./D.<sup>a</sup> ....., alumno/a da titulación de .....  
..... da Facultade/Escola de .....  
solicita ser admitido/a para simultanear estudos na titulación de .....  
..... da Facultade/Escola de .....  
da UDC.

**Consideracións legais e técnicas**

1. O artigo 2.1 da Orde do MEC de 28 de setembro de 1984, sobre o réxime de simultaneidade de estudos universitarios en distintos centros.
2. O artigo ..... da Normativa de xestión académica vixente.
3. O artigo 36 dos Estatutos da UDC, aprobados polo Decreto da Xunta de Galicia 101/2004, do 13 de maio, modificado polo Decreto 194/2007, do 11 de outubro.
4. O/a decano/a ou director/a do centro é competente para resolver a solicitude de acordo co previsto na Normativa de xestión académica vixente.

De acordo co indicado, **RESOLVO:**

**Estimar** a solicitude de simultaneidade de estudos formulada por D./D.<sup>a</sup> .....  
....., que ten un prazo improrrogable de **10 días naturais**, que contarán a partir da recepción desta resolución, para aboar as taxas e os prezos públicos correspondentes á matrícula na titulación de .....

Contra esta resolución, que esgota a vía administrativa, e segundo o disposto no artigo 122.3 da Lei 39/2015, do 1 de outubro, do procedemento administrativo común das administracións públicas, cabe interpoñer un **recurso contencioso-administrativo** no prazo de **dous meses**, na forma e coas condicións previstas no artigo 46 da Lei 29/1998, do 13 de xullo, reguladora da xurisdición contencioso-administrativa, ou calquera outro recurso que se estime procedente.

....., ..... de ..... de .....

O/a decano/a ou director/a

.....

## Anexo VII

### MODELO DE ESTIMACIÓN DE RECOÑECIMENTO/TRANSFERENCIA DE CRÉDITOS

D./D.<sup>a</sup>.....  
Con domicilio en.....  
CP e localidade.....

#### Resolución de recoñecemento e/ou transferencia de créditos para titulacións adaptadas ao espazo europeo de educación superior (EEES)

**Asunto:** recoñecemento ou transferencia de créditos nas titulacións de grao e máster universitario

**Interesado/a:** .....

**Data de presentación da solicitude:** .....

#### Antecedentes

- O día ..... D./D.<sup>a</sup> ..... presenta unha solicitude de:
  - Recoñecemento das materias ou dos créditos superados na titulación de .....  
....., da Universidade .....  
polos créditos correspondentes na titulación de (grao ou máster en) .....  
..... da UDC.
  - Transferencia das materias ou os créditos superados na titulación de (grao ou máster en) .....  
da Universidade ..... no seu expediente académico da titulación de (grao ou máster en) .....  
da UDC.
- A administración do centro examina o seu expediente e comproba que a persoa interesada xustifica documentalmente que superou os devanditos créditos ou materias mediante unha certificación académica persoal ou oficial, de ser o caso.
- (Incluír só en caso de alumnado bolseiro)* O alumno foi suficientemente informado en relación á súa solicitude de bolsa, de acordo co disposto nesta norma.

#### Consideracións legais e técnicas

- Real decreto 1393/2007, do 29 de outubro, modificado polo Real decreto 861/2010, de 2 de xullo.
  - Artigo 6
  - Artigo 13
  - Disposición adicional cuarta
- O artigo ..... da Normativa de xestión académica do curso académico vixente.
- Normativa de recoñecemento e transferencia de créditos para titulacións adaptadas ao espazo europeo de educación superior (acordo do Consello de Goberno do 30 de xuño de 2011).
- Trátase do recoñecemento de créditos correspondentes a estudos universitarios oficiais, nos casos seguintes:

- a)  A titulación a que se pretende acceder pertence á mesma rama de coñecemento que a de orixe e, por tanto, serán obxecto de recoñecemento os créditos correspondentes ás materias de formación básica da devandita rama.
- b)  Recoñecemento de créditos obtidos naquelas outras materias de formación básica pertencentes á rama de coñecemento do título ao que se pretende acceder.
5.  Visto o informe vinculante da Xunta de Centro ou da comisión delegada desta, aprobado na súa sesión do día ....., por ser créditos que poden:
- Visto o informe vinculante da Comisión de Selección na súa sesión de....., por ser créditos que poden:
- a)  Ser recoñecidos pola UDC, tendo en conta a adecuación entre as competencias e os coñecementos asociados ás restantes disciplinas cursadas polo/a estudante e os previstos no plan de estudos ou ben que teñan carácter transversal.
- b)  Ser recoñecidos por superarse noutras ensinanzas superiores oficiais de .....
- c)  Ser recoñecidos por superarse en ensinanzas universitarias conducentes á obtención doutros títulos non oficiais de .....
- d)  Ser recoñecidos pola experiencia laboral e profesional acreditada polo/a solicitante en .....
6. O/a decano/a ou director/a do centro é competente para resolver a solicitude, de acordo co previsto no apartado 6 do artigo 3 da Normativa de recoñecemento e transferencia de créditos para titulacións adaptadas ao espazo europeo de educación superior.

De acordo co indicado, **RESOLVO:**

**Estimar** a solicitude de recoñecemento dos créditos correspondentes ás materias que a continuación se relacionan:

**Tipo de créditos (FB/OB/OP):** ..... **Nº de créditos:** .....

**Denominación da materia de destino:**

.....  
.....

Recoñecemento con cualificación: .....

Recoñecemento sen cualificación: .....

**Estimar** a solicitude de transferencia dos créditos correspondentes ás materias de estudos oficiais de grao ou máster que a continuación se relacionan:

**Tipo de créditos (FB/OB/OP):** ..... **Nº de créditos:** .....

**Denominación da materia de destino:**

.....  
.....

**Curso académico:** ..... **Cualificación:** .....



Así mesmo, infórmo/a de que para o recoñecemento ou a transferencia produzan efecto deberá aboar o 25% dos prezos establecidos na tarifa primeira do decreto da Xunta de Galicia, correspondente ás materias recoñecidas/transferidas, agás se estas quedan incluídas no prezo do curso completo ou conta vostede cunha exención do pagamento dos prezos públicos, no prazo máximo de **10 días naturais**, que contarán a partir do día seguinte ao da notificación deste acordo.

Neste mesmo prazo adecuarase a súa matrícula nos termos que recolle a convocatoria, coa devolución de prezos públicos que proceda, se é o caso.

Contra este acordo, segundo o que dispoñen os artigos 121 e 122 da Lei 39/2015, do 1 de outubro, do procedemento administrativo común das administracións públicas, poderá interpoñer un **recurso de alzada** perante o reitor no prazo **dun mes**, que contará a partir do día seguinte ao da recepción da notificación, ou calquera outro recurso que se considere oportuno.

....., ..... de ..... de .....

O/a decano/a ou director/a

.....





Anexo VIII

MODELO DE DESESTIMACIÓN DE RECOÑECIMENTO/TRANSFERENCIA DE CRÉDITOS

D./D.a .....
Con domicilio en .....
CP e localidade.....

Resolución de recoñecemento e/ou transferencia de créditos para titulacións adaptadas ao espazo europeo de educación superior (EEES)

Asunto: recoñecemento ou transferencia de créditos nas titulacións de grao e máster universitario

Interesado/a: .....

Data de presentación da solicitude: .....

Antecedentes

1. O día .....D./D.a ..... presenta unha solicitude de:

- Recoñecemento das materias ou dos créditos superados na titulación de ..... da Universidade ..... polos créditos correspondentes na titulación de (grao ou máster en) ..... da Universidade da Coruña.
Transferencia das materias ou os créditos superados na titulación de (grao ou máster en) ..... da Universidade ..... ao seu expediente académico da titulación de (grao ou máster en) ... da Universidade da Coruña.

2. A administración do centro examina o seu expediente e comproba que a persoa interesada xustifica documentalmente que superou os devanditos créditos ou materias mediante unha certificación académica persoal ou oficial, de ser o caso.

Consideracións legais e técnicas

- Real decreto 1393/2007, do 29 de outubro, modificado polo Real decreto 861/2010, de 2 de xullo.
Artigo 6
Artigo 13
Disposición adicional cuarta
O artigo ..... da Normativa de xestión académica vixente.
Normativa de recoñecemento e transferencia de créditos para titulacións adaptadas ao espazo europeo de educación superior (acordo do Consello de Goberno de 30 de xuño de 2011).
O/a decano/a ou director/a do centro é competente para resolver a solicitude, de acordo co previsto no apartado 6 do artigo 3 da Normativa de recoñecemento e



transferencia de créditos para titulacións adaptadas ao espazo europeo de educación superior.

De acordo co indicado, **RESOLVO:**

**Desestimar** a solicitude de recoñecemento/transferencia de créditos formulada por D./D.<sup>a</sup> ..... polos seguintes motivos:

.....  
.....  
.....

Contra este acordo, segundo o que dispoñen os artigos 121 e 122 da Lei 39/2015, do 1 de outubro, do procedemento administrativo común das administracións públicas, poderá interpoñer un **recurso de alzada** perante o reitor, no prazo **dun mes**, que contará a partir do día seguinte ao da recepción da súa notificación, ou calquera outro recurso que se considere oportuno.

....., ..... de ..... de .....

O/a decano/a ou director/a

.....



**Anexo IX**

**MODELO DE DESESTIMACIÓN DE MATRÍCULA FÓRA DE PRAZO**

**Antecedentes**

O día ..... D/D.<sup>a</sup> .....  
presenta unha solicitude para realizar a **matrícula fóra de prazo** na seguinte titulación da UDC: .....

**Consideracións legais e técnicas**

1. O artigo ..... da Normativa de xestión académica vixente.
2. O artigo 36 dos Estatutos da UDC, aprobados polo Decreto da Xunta de Galicia 101/2004, do 13 de maio, modificado polo Decreto 194/2007, de 11 de outubro.
3. As causas expostas pola persoa interesada que motivan o impedimento para realizar a matrícula nos prazos sinalados.
4. O/a decano/a ou director/a do centro é competente para resolver a solicitude en virtude da desconcentración de competencias prevista na Normativa de xestión académica vixente.

De acordo co indicado, **RESOLVO:**

**Desestimar** a solicitude formulada por D./D.<sup>a</sup> .....  
....., toda vez que rematou o prazo sinalado no Anexo I da Normativa de xestión académica vixente.

Contra esta resolución, segundo o que dispoñen os artigos 121 e 122 da Lei 39/2015, do 1 de outubro, do procedemento administrativo común das administracións públicas, poderá interpoñer un **recurso de alzada** perante o reitor, no prazo **dun mes**, que contará a partir do día seguinte ao da recepción da notificación, ou calquera outro recurso que se considere oportuno.

....., ..... de ..... de .....

O/a decano/a ou director/a

.....



Anexo X

MODELO DE ESTIMACIÓN DE MATRÍCULA FÓRA DE PRAZO

Antecedentes

O día ..... D/D.<sup>a</sup> .....

presenta unha solicitude para realizar a **matrícula fóra de prazo** na seguinte titulación da UDC:.....

Consideracións legais e técnicas

1. O artigo ..... da Normativa de xestión académica vixente.
2. O artigo 36 dos Estatutos da UDC, aprobados polo Decreto da Xunta de Galicia 101/2004, do 13 de maio, modificado polo Decreto 194/2007, do 11 de outubro.
3. As causas expostas pola persoa interesada que motivan o impedimento para realizar a matrícula nos prazos marcados.
4. O/a decano/a ou director/a do centro é competente para resolver a solicitude en virtude da desconcentración de competencias prevista na Normativa de xestión académica vixente.

De acordo co indicado, **RESOLVO:**

**Estimar** a solicitude formulada por D./D.<sup>a</sup> ....., que deberá formalizar a súa matrícula nun prazo improrrogable de ..... días naturais, que contan a partir da recepción desta notificación.

Contra este acordo, segundo o que dispoñen os artigos 121 e 122 da Lei 39/2015, do 1 de outubro, do procedemento administrativo común das administracións públicas, poderá interpoñer un **recurso de alzada** perante o reitor, no prazo **dun mes**, que contará a partir do día seguinte ao da recepción da súa notificación, ou calquera outro recurso que se considere oportuno.

....., ..... de ..... de .....

O/a decano/a ou director/a

.....



**Anexo XI**

**MODELO DE DESESTIMACIÓN DE MATRÍCULA A TEMPO PARCIAL**

**Antecedentes**

O día..... D./D.<sup>a</sup> .....presenta unha solicitude de:

- matrícula a tempo parcial en primeiro curso por primeira vez
- matrícula a tempo parcial de continuación de estudos
- renovación da concesión da dedicación a tempo parcial

Na titulación de .....

**Consideracións legais e técnicas**

1. O artigo ..... da Normativa de xestión académica vixente.
2. O artigo 9 da Norma que regula o réxime de dedicación ao estudo e a permanencia e a progresión dos estudantes de grao e máster universitario na Universidade da Coruña.
3. As causas expostas pola persoa interesada que xustifican a súa solicitude de matrícula ou renovación da dedicación a tempo parcial.

De acordo co indicado, **RESOLVO:**

**Desestimar** a solicitude de matrícula a tempo parcial formulada por D./D.<sup>a</sup>..... para a titulación de ..... polos seguintes motivos:.....

**Non obstante, poderá formalizar a matrícula a tempo completo no curso e na titulación mencionados**, para o que se lle concede un prazo de ..... días, que contarán desde a recepción desta resolución, para formalizar a súa matrícula na administración do centro.

Contra este acordo, segundo o que dispoñen os artigos 121 e 122 da Lei 39/2015, do 1 de outubro, do procedemento administrativo común das administracións públicas, poderá interpoñer un **recurso de alzada** perante o reitor, no prazo **dun mes**, que contará a partir do día seguinte ao da recepción da notificación, ou calquera outro recurso que se considere oportuno.

....., ..... de ..... de .....

O/a presidente da Comisión Académica/  
O/a presidente da Comisión de Selección

.....





Anexo XII

MODELO DE ESTIMACIÓN DE MATRÍCULA A TEMPO PARCIAL

Antecedentes

O día..... D./D.<sup>a</sup> .....presenta unha solicitude de:

- matrícula a tempo parcial en primeiro curso por primeira vez
matrícula a tempo parcial de continuación de estudos
renovación da concesión da dedicación a tempo parcial

Na titulación de .....

Consideracións legais e técnicas

- O artigo ..... da Normativa de xestión académica vixente.
O artigo 9 da Norma que regula o réxime de dedicación ao estudo e a permanencia e a progresión dos estudantes de grao e máster universitario na Universidade da Coruña.
As causas expostas pola persoa interesada que xustifican a súa solicitude de matrícula ou renovación da dedicación a tempo parcial.

De acordo co indicado, RESOLVO:

Estimar a solicitude de matrícula a tempo parcial formulada por D./D.<sup>a</sup>..... para a titulación de ....., e concederlle un prazo de ..... días, que contarán desde a recepción desta resolución, para formalizar a súa matrícula na administración do centro.

Contra este acordo, segundo o que dispoñen os artigos 121 e 122 da Lei 39/2015, do 1 de outubro, do procedemento administrativo común das administracións públicas, poderá interpoñer un recurso de alzada perante o reitor, no prazo dun mes, que contará a partir do día seguinte ao da recepción da notificación, ou calquera outro recurso que se considere oportuno.

....., ..... de ..... de .....

O/a presidente da Comisión Académica/
O/a presidente da Comisión de Selección

.....



Anexo XIII

MODELO DE ESTIMACIÓN DE DESISTENCIA DA SOLICITUDE DE MATRÍCULA

Antecedentes

1. O día ..... D./D.<sup>a</sup>.....  
 presenta unha solicitude de matrícula na titulación de .....  
 ..... que se imparte na  
 Facultade/Escola de .....
2. Unha vez que transcorreron 10 días naturais desde o día en que efectuou a solicitude de matrícula, D./D.<sup>a</sup>.....
  - Non aboou o importe que corresponde.
  - Non presentou os documentos que acreditan que ten dereito de exención ou bonificación de prezos públicos.
  - Non presentou os documentos necesarios sinalados no Anexo II da Normativa de xestión académica vixente.
  - Non está correctamente matriculado/a do número de créditos necesario segundo o establecido na Normativa de xestión académica vixente.
  - Non está correctamente matriculado/a dos créditos de formación básica e obrigatorios que non superou en cursos anteriores.

Consideracións legais e técnicas

1. O artigo 94 da Lei 39/2015, do 1 de outubro, do procedemento administrativo común das administracións públicas.
2. O artigo ..... da Normativa de xestión académica vixente.
3. O artigo 36 dos Estatutos da UDC, aprobados polo Decreto da Xunta de Galicia 101/2004, do 13 de maio, modificado polo Decreto 194/2007, do 11 de outubro.
4. O/a decano/a ou director/a do centro é competente para resolver a solicitude en virtude da desconcentración de competencias prevista na Normativa de xestión académica vixente.

De acordo co indicado, **RESOLVO:**

**Aceptar** de plano a desistencia da solicitude de matrícula de D./D.<sup>a</sup>..... na titulación de ..... e declarar concluído o procedemento iniciado.

Contra este acordo, segundo o que dispoñen os artigos 121 e 122 da Lei 39/2015, do 1 de outubro, do procedemento administrativo común das administracións públicas, poderá interpoñer un **recurso de alzada** perante o reitor, no prazo **dun mes**, que contará a partir do día seguinte ao da recepción da notificación, ou calquera outro recurso que se considere oportuno.

....., ..... de ..... de .....

O/a decano/a ou director/a

.....



Anexo XIV

**MODELO DE REQUIRIMENTO DO PAGAMENTO DA MATRÍCULA PARA SOLICITANTES DE BOLSA (art. 10.4.2)**

D./D.<sup>a</sup>  
Enderezo  
CP Localidade

Revisada a solicitude de matrícula de D./D.<sup>a</sup> ....., con DNI ....., na titulación de ....., para este curso académico, obsérvase que non reúne os requisitos académicos establecidos na Resolución ....., da Secretaría de Estado de Educación, Formación Profesional e Universidades, pola que se convocan axudas para alumnado con necesidade específica de apoio educativo para o curso académico .....

Polo indicado, requíro/a para que nun prazo máximo de **10 días naturais**, que contan a partir da data da notificación, se presente na administración deste centro co fin de recoller o **Documento de liquidación de prezos públicos por servizos académicos** e pagar posteriormente o importe que corresponda, de acordo co artigo 10.4.2 da Normativa de xestión académica da UDC para o curso ....., e ao abeiro do disposto no artigo 68 da Lei 39/2015, do 1 de outubro, do procedemento administrativo común das administracións públicas.

De non facer isto nos prazos indicados, iniciarase o procedemento establecido no artigo 5 da Resolución reitoral do 27 de abril de 2012, mediante a que se aproba o procedemento para a recadación de «impagados» por prezos públicos de matrícula.

A Coruña, ..... de ..... de .....

O/A administrador/a

.....



Anexo XV

MODELO DE RESOLUCIÓN DE AUTORIZACIÓN PARA CONTINUAR ESTUDOS DE GRAO DE ACORDO CO DISPOSTO NO ARTIGO 4.1 DA NORMATIVA DE XESTIÓN ACADÉMICA

Antecedentes

O día ..... D./D.a ..... presenta na Facultade ou Escola de ..... unha solicitude de autorización para continuar os estudos de .....do grao en ..... polo seguinte motivo.....

Consideracións legais e técnicas

- 1. O artigo 5.5 do Real decreto 412/2014, do 6 de xuño, polo que se establece a normativa básica dos procedementos de admisión ás ensinanzas universitarias oficiais de grao.
2. O artigo 3 da Norma que regula o réxime de dedicación ao estudo e a permanencia e a progresión dos estudantes de Grao e Máster Universitario na Universidade da Coruña.
3. O artigo ..... da Normativa de xestión académica vixente.

De acordo co indicado, RESOLVO:

- a) Estimar a solicitude formulada por D./D.a ..... que deberá ter superados neste curso académico un mínimo de 36 créditos obrigatorios do primeiro curso se realiza a matrícula a tempo completo, ou de 18 créditos se a realiza a tempo parcial.
b) Estimar a solicitude formulada por D./D.a .....que poderá continuar os seus estudos neste centro en que os comezou, sen necesidade de participar en ningún proceso de admisión.
c) Desestimar a solicitude formulada por D./D.a ..... por (expoñer as causas) .....

Contra este acordo, segundo o que dispoñen os artigos 121 e 122 da Lei 39/2015, do 1 de outubro, do procedemento administrativo común das administracións públicas, poderá interpoñer un recurso de alzada perante o reitor, no prazo dun mes, que contará a partir do día seguinte ao da recepción da súa notificación, ou calquera outro recurso que se considere oportuno.

....., ..... de ..... de .....

O/a decano/a ou director/a

.....



Anexo XVI

**MODELO DE DECLARACIÓN RESPONSABLE**

(Nome e apelidos)....., con documento de identidade/pasaporte número ..... , correo electrónico ..... e enderezo a efectos de notificación na rúa ..... , número ..... , piso/porta ..... , código postal ..... , país .....

Por medio do presente escrito DECLARO:

Que, de acordo coa lexislación ..... (país de realización dos estudos) ..... posúo a titulación necesaria para acceder aos estudos de posgrao/máster.

E, para que así conste, asino esta declaración en (lugar) ....., a ..... de ..... de .....

Asdo.: .....